

Nassuiaatit nalinginnaasut:

Ombudsmandeqarneq pillugu inatsisissap piareersarlugu suliarinerani paasineqarpog siunertarisamut naleqqutis-sanngitsoq ombudsmanditut atorfeqarfimmik pilersitsis-salluni innuttaasut pisortatigut ingerlatsinermi sul-linneqarnerannik pitsanngorsaaniarnermut atatillugu pisortatigut ingerlatsineq pillugu inatsimmik pilersit-seqqaarnani.

Namminersornerullutik Oqartussat kommunillu ingerlatsi-nerisa ilarpassui pisortatigut ingerlatsineq pillugu inatsiseqarnermi isummat tunngavigiinnarlugit ingerlan-neqartarmata ombudsmandip suliaasa ilarparujussui tas-saasassapput pisortatigut ingerlatsivimmut inassuteqaa-tit suliassat eqqortumik suliarineqarsimanngitsut suli-areqqeqqullugit.

Taamaattumik Kalaallit Nunaanni pisortatigut ingerlat-sineq pillugu inatsiseqalerneratigut innuttaasut sulia-ni eqqortumik pineqartarnissaat isumannaallisarneqas-saaq tamatumalu saniatigut ombudsmanditut atorfeqarfe-galissagaluarpas tassani suliassanut oqilisaataassallu-ni.

Inatsisissatut siunnersuutikkut siunertarineqarpog i-ngerlatsinermut tunngasumik suliassami peqataasup pi-sinnaatitaaffiisa piginnaatitaaffiisalu pingaarnerusut ataatsimut inatsisiliuunnissaat. Inatsisissatut siun-nersuut akuerineqassaguni pisortatigut ingerlatsinermi suliaasartut pitsaanerusequmik suliarineqartalernissaan-nut ikiuutaassaaq taamalu isumannaallisaaqataassalluni oqartussaasut aalajangiisarnerisa inatsisinut naaper-tuuttuullutillu eqqortuusalerneqannut. Inatsisissatut siunnersuutip qularnaallisissavaattaq innuttaasut im-minnut tunngasutigut aalajangiisoqartarnerani sunniute-

qartalernissaat paasinnissinnaanerusalernissaallu aalajangiinerit imarisaannik tamakkunungalu tunngaviusunik.

Inuiaqatigiinni nutartigaasuni aalajangiiffigisassanut assigiingitsunut malittarisassiortarnissamut piumasari-neqartut naammassineqaqqullugit pisortatigut ingerlatsisut inatsisiliortartuusunit suliassanut assigiinngit-sorpassuarnut tunngasutigut piginnaassusilerneqarput innuttaasunut ataasiakkaanut inuussutissarsiutinillu ingerlatsivinnut qassiitigut annertuumik pingaaruteqartunik aalajangiisarnissamut.

Pissutsit taamaalernerata kinguneranik pisariaqalerpoq inatsisitigut iluarsartuussinissaq suliassat pisortatigut ingerlatsivimmi pitsaanerusumik suliarineqartarnissaat inuillu ataasiakkaat pisortatigut ingerlatsinermi inatsisinut tunngasutigut pisinnaatitaaffeqarnerisa isumannaallisarnissaat eqqarsaatigalugu.

Pisortatigut ingerlatsineq pillugu Inatsisartut inatsisissaattut siunnersuut pisortatigut ingerlatsinermik Danmarkimi inatsit najoqqutaralugu suliarineqarpoq. Pisortatigut ingerlatsinermik Danmarkimi inatsisaasumi tassani pisortatigut ingerlatsineq pillugu isummat allanneqarsimanngitsut inunnit amerlanerusunit pigineqartut ikigisassaannngitsut pisortatigut ingerlatsiviit suliassanik suliaqartarneranni sivisuumik malinneqartar-simasut inatsisinngortinneqarsimapput. Aalajangersakkat ilarpassuinut tunngavineqarputtaaq Folketingip ombuds-  
mandiata pisortatigut ingerlatsineq pillugu oqaaseqaa-tai inassuteqaataalu.

Taamaalilluni pisortatigut ingerlatsineq pillugu Inatsisartut inatsisissaattut siunnersuut ilaqarpoq suliameqataasussaannnginneq ilitsersuinerlu pillugit aalajangersakkanik, arlallit eqqarsaatigalugit pisortatigut ingerlatsineq pillugu isummanik pigineqartunik tunnga-

vigineqartartunillu inatsisinngortitsinerusunik. Peqataasut suliassamut tunngasunik ilisimasaqarnerat peqataasullu isumaannik tusarniaasarneq pillugit aalajangersakkat ilaatigut nangitsinerupput inunntut tamanut isertuussinnginnissamik inatsimmi tamanna pillugu malittarisassanik, uanili allaassutaalluni siunnersuutigineqarmat peqataasup isumaanik tusarniaaneq pisassasoq ingerlatsinermut oqartussaasut sulissutiginninnerisigut maannamutut suliassamut peqataasup sulissutiginninneratigut pinnani.

Tunngavigisat naammagittaalliornissamullu ilitsersuineq pillugit aalajangersakkat nutaanerupput, tassa tamakku pillugit pisortatigut ingerlatsineq pillugu isummanik inunntut amerlanerusunit pigineqartunik tunngavissaqanngimmat, arlaqartunilli aalajangersagaqaannarluni ingerlatsinermut tunngasut aalajangersimasut pillugit. Allanut tusarliusseqqusinnginneq pillugu aalajangersakkatigut erseqqissumik taaneqarpoq pisortatigut ingerlatsivimmi atorfilittut qinikkatulluunniit sulisut tamarmik pinerluttuliorneq pillugu inatsimmi § 29 malillugu allanut tusarliusseqqusinnginnermi pineqarmata, taamattaarlu aalajangersakkatigut taakkunuuna periarfissiineqarpoq nalunaarusiornikkut sùleqatigiit allat allanut tusarliusseqqusinnginneq pillugu pinerluttuliorneq pillugu inatsimmi aalajangersakkani pineqartunut ilanngullugit naatsorsuunneqartalernissaannut.

Taamaalilluni ingerlatsinermut oqartussaasut sulinerat ullumikkut nalinginnaanerusunut tunngasutigut killiler-simaarneqareerpoq isummatigut allassimannigitsutigut. Innuttaasunulli taamatullu pisortatigut ingerlatsivinini sulisunut ajornakusoorsinnaavoq erseqqissumik paasissallugu periaatsit suut pisortatigut ingerlatsinermi malittarisassanik allassimannigitsunik tamakkuninnga pitsaasumillu ingerlatseriaaseqarnissamut piumasarisanik eqqortitsinersut. Taamaattumik inatsisinut allaffeqarfiup pisortatigut ingerlatsinermut inatsiseqalerner-

mut atatillugu pilersaarutigaa tamanut tunngasut pillu-  
git ilitersuusiornissaq, pisortatigut ingerlatsinermik  
inatsimmi malittarisassalianik itisilerissutaanissami  
saniatigut paasissutaasussamittaaq malittarisassanik  
periaatsinillu nalinginnaasunik pisortat ingerlatsi-  
neranni atornerqartariaqartunik suliassat pisortatigut  
suliarineqartarnerannut atasumik.

**Aningaasatigut sulisoqarnikkullu sunniutaasussat:**  
Malittarisassat siunnersuutigineqartut atortuulersinne-  
garnerata aningaasatigut sulisoqarnikkullu sunik kingu-  
neqarnissaa maannakkut oqaatigineq ajornarpoq.  
Tamakkununga tunngasut oqaatigisinnaassagaanni pisari-  
aqarpoq malittarisassaliat atortuulersinneqarnerat Nam-  
minersornerullutik Oqartussat kommunillu ingerlatsivii-  
ni sulisunik atuinerup qanoq annertuseriartigiumaarnis-  
saata paasiniaqqaarluarnissaa.

Piffissukilliorneq allallu pissutigalugit tamakkununga  
tunngasut paasinarsarluarlugit ataatsimiinnissaq manna  
sioqqullugu suliarinissaat ima ajornartigisimavoq paa-  
sissutissat sulisoqarnermut aningaasanullu tunngasut  
tamarmik ataatsimiinnermi uani Inatsisartunut saqqum-  
miunneqarsinnaanatik.

Taamaattumik inatsisinut allaffeqarfiup inatsisissatut  
siunnersuutip aappassaaneerlugu Inatsisartut 1994-imi  
upernaakkut ataatsimiinnissaanni oqaluuserineqarnissaa-  
ta tunngaanut kommunini Namminersornerullutillu Oqartus-  
sani ingerlatsiviit suleqatigalugit paasinarsarniaru-  
maarpaq aalajangersakkat siunnersuutigineqartut allaf-  
fissornermi qanoq suliagarnerulissutaatiginissaat.



Inatsisissatut siunnersuummi aalajangersakkanut  
ataasiakkaanut nassuiaatit.

### Kapitali 1-imut.

Inatsisissatut siunnersuutip kapitaliisa siullianni aalajangersakkani pisortatigut ingerlatsineq pillugu inatsisip atortuuffissaa aalajangerneqarpoq.

Pisortatigut ingerlatsineq pillugu inatsisip nalinginnaasup atortuuffissaa killilissagaanni isummerfigisari-aqarpoq oqartussaasut kikkut suliarisartagaat inatsimmi aalajangersakkani pineqassanersut aammalu inatsimmi aalajangersakkat atornerqartariaqarnersut suliani assigiinngitsuni tamani oqartussaasunit taakkunannga suliarineqartartut.

#### § 1-imut:

§ 1-imi aalajangerneqarpoq oqartussaasut kikkut suliarisartagaasa inatsimmi pineqarnerat. Killiliunneqartut naapertuupput inunnut tamanut isertuussinnginnissamik inatsimmi malittarisassat malillugit atortuusunut. Inatsimmi pineqarput Namminersornerullutik Oqartussanut atallutik ingerlatsinermut oqartussaasut tamarmik, Namminersornerullutik Oqartussaniittuuguniik kommunimiittuugunilluunniit aammalu apeqqutaatinnagu ingerlatsinermut oqartussaasuunersut nalinginnaasut imaluunniit immikkut ataatsimiititaliaanersut aalajangiisartut (nævn) siunnersuisartuusulluunniit (råd). Tassa inatsit naalagaaffiup Kalaallit Nunaanni ingerlatsinermut oqartussaasuutitaanut atortuunngilaq.

Inatsit taanna Inatsisartunut oqartussaasunullu Inatsisartunut atassuteqarnertik pissutigalugu pisortatigut ingerlatsisunut naatsorsuunneqarsinnaasunut atunngilaq. Taamaalilluni inatsisip atortuuffiata avataaniipput Inatsisartut ataatsimiititaliaat aamma Inatsisartut ombudsmandiat.

Eqqartuussiviit inatsisip atortuuffigisassaanut ilaangillat.

Imm. 2-mi siunnersuutigineqarpoq Naalakkersuisut aalajangersinnaagaat inatsit tamkkerluni tamakkernaniluunniit atortuussasoq ingerlatseqatigiinnut suliffeqarfinnullu il.il. erseqqinnerusumik taanegartunut aammalu aalajangersagaliorsinnaassasut ingerlatsivinni suliffeqarfinnilu il.il. siulersuisut suliffeqartullu allanut tusarliussisussaannginnerat pillugu.

#### § 2-mut:

Siunnersuutip paragraffiisa aappaanni aalajangersakkami isummerfigineqarpoq inatsimmi malittarisassat atorneqartariaqarnersut suliassani suniluunniit tamani oqartussaasunit suliffeqarfinnillu il.il. inatsisissamut siunnersuummi § 1 malillugu inatsimmit pineqartunit suliarineqartuni.

Imm. 1-imi aalajangerneqartup imaraa inatsisip suliassanik, ingerlatsinermut oqartussaasunit § 1 malillugu inatsimmit pineqartunit aalajangiiffigineqarsimasunik aalajangiiffigineqarumaartunilluunniit, suliarininninnerinnarmut atortuuneranik pingaarnertut malittarisassaq.

"Aalajangiiffigineqarsimasunik aalajangiiffigineqarumaartunilluunniit" oqarnermi eqqarsaatigineqarpoq suliassanik inatsisinut tunngasunik, tassa imaappoq oqaaseqaatissanik, suliaqarneq, taakkunuuna aalajangerniarlugu suliassanngortumi qanoq ilioraanni eqqortuliornerussasoq. Taamaattumik inatsisip atortuuffiata avataanniittut pingaartumik taanegassaaq suliassamik allafimmi suliaqarneq ingerlatsinermut tunngasunik suliagarnertut pissuseqarnerusog, soorlu napparsimasunut allatullu napparsimasuutitut, atuartitsinermut siunnersuinernullu tunngasunik suliaqarneq. Taamaattunik suliaqarnermi siunertarineqarneq ajorpoq inuit atasiakkaat suliassami pineqartut pillugit pinngitsoorani malineqartussanik aalajangiinissat. Aammattaaq aalajangersakkami oqaatsit "aalajangiiffigineqarsimasunik aalajangiiffigineqarumaartunilluunniit" atorneqar-

nerisigut ersersinneqarpoq pisortat pillugit inatsiseqarnermut tunngasunik allakkiornermut atasunik suliassamik suliagarnerup, isumaqatigiissuteqarnissamut namminerluunniit pilluni aalajangigassanut tunngasunik allanik suliagarnerunngitsup, inatsimmi taamaallaat pinegarnera.

Inatsit suliassat inatsisinut tunngasut tamanut ator-tussat, soorlu peqqussutit aammalu pilersaarutit assi-giinngitsut, suliarineqartarnissaat pillugu suliassanut aamma ingerlatsiner-mut tunngasut erseqqissut suliarineqartarnissaat pillugu suliassanut najoqqutarisasatut atortuuvoq.

Inatsisissatulli siunnersuummi § 9, imm. 1-imi, § 10, imm. 1-imi, § 20, imm. 1-imi, § 21-mi aamma § 22, imm. 1-imi aalajangersakkat suliameqataasumik erseqqinnerusumik taaneqartunik pisinnaatitaaffegalersitsisut oqaasertaliugaanerisa kingunerissavaat peqataasup suliassamut tunngasunik ilisimasagarnera pillugu (kapitali 4), peqataasup isumaanik tusarniaaneq pillugu (kapitali 5) aamma ingerlatsivinni aalajangiinernik tunngaviliisarneq pillugu (kapitali 6) malittarisassat peqqussutit tamanut atortut imaluunniit pineqaatissiissutissat nalinginnaasut pillugit suliassanik suliagar-tarnissani ator-neqannginnissaat. Kapitalit taakkua atortuuffissaasa avataanniipputtaaq oqartussaasunut sulisunulluunniit oqaasissakinnerusunut erseqqissunik suliassiissuteqartarnerit.

Oqartussaasup suliassap aalajangiiffiginissaanut atugassatut ingerlatsiner-mut oqartussaasumut allamut inasuteqaataa imaluunniit oqaaseqaataa inatsimmi isumaasoq tunngavigalugu aalajangiinerunngilaq, isummamik tusarniaanermi akissutaasoq oqartussaasumut tusarniaasumut pinngitsoorani malitassaassagaluaruniluunniit.

Oqartussaasup suliassap suliarineqarnissaanik aalajangiinera imaluunniit oqartussaasumit allamit aalajangiiffigineqaqqullugu tassunga nassiunneqarnissaanik aalajangiinera aalajangiinerunngillat qularnaallisit-

sisut taamaaliornerup eqqortuuneranik, taamaattumillu aalajangiinerit taamaattut malittarisassani inatsisip kapitaliisa sisamaanniit arfineq-aappaannut pineqartunut ilaangillat.

Taamaalilluni ingerlatsinermik inatsisip pingaarnertut atortuuffia tassaassaaq ingerlatsinermut tunngasunik erseqqissunik suliaqarnermut atasumik suliassanik allaffimmi suliaqarneq.

Ingerlatsinermut inatsisip atortuuffianik inatsisissatut siunnersuummi § 2, imm. 1-imi killiliineq atortuusariaqanngilaq inatsisissatut siunnersuummi suliameqataasussaanninneq pillugu malittarisassanut, atortuusariaqartunuttaaq isumaqatigiissuteqarnissaq il.il. pillugit suliassanut. Taamaattumik imm. 2-mi siunnersuutigineqarpoq pingaartumik suliameqataasussaanninneq pillugu inatsisissatut siunnersuummi kapitali 2-mi aalajangersakkat atortuussasuttaaq suliassanik isumaqatigiissuteqarnissamut namminerluunniit pilluni aalajangigassanut tunngasunik tamatumunnga assingusunik suliaqarnermut.

Imm. 3-mi aalajangersagaq malillugu allanut tusarliusseqqusaannginneq il.il. pillugit malittarisassatut maanna siunnersuutigineqartut sulianut pisortatigut ingerlatsinermi suliarineqartunut tamanut atortuupput.

Imm. 4-mi aalajangersagaq malillugu tunngavissaqalerpoq ingerlatsinermut inatsisip atortussaaffiata tamakkiisumik tamakkiisuunngitsumilluunniit aamma pisortatut ingerlatsivimmu imm. 1-imi taaneqartumit allaasumut atortuulersinnissaa pillugu Naalakkersuisut aalajangiinissaannut.

#### Kapitali 2-mut.

Kapitalimi tassani aalajangersarneqarput suliassamut attuumassuteqartut suliameqataasussaanninnerat pillugu malittarisassat nalinginnaasut.

§ 3-mut:

Imm. 1-imi taagorneqarput suliame peqataasussaatsinnginnissamut tunngavissaasinnaasut soqutigisaqarnermut tunngasut.

Kinaluunniit pisortatigut ingerlatsinermi suliffeqartog (suliaqartorluunniit) pissuteqartumik suliame peqataasussaataaangissinnaavoq. Aalajangiisuusussaangilaq suliamek ingerlatsinera atorfinitsitaasimaneranik, atorfirmut ivertitaasimaneranik qinigaasimaneranilluunniit pissuteqarnerseq, sulineq akissarsiaqaataasimanersog akissarsiaqaataaanginnorsorluunniit, ullut tamaasa imaluunniit ullut ilaannaanni ingerlanneqartarnerseq, aamma soorlu ingerlanneqartarnerseq ingerlatsinermut oqartussaagatigiinnut ilaasortaanermik pissuteqartumik.

Nr. 1-imi aalajangersakkami pineqarpoq **peqataasup suliame peqataasussaanginnera**. Soorunami suliame peqataasog, imaluunniit nammineq imminut aningaasalluunniit eqqarsaatigalugit suliap qanoq inerneqarnissaanik soqutiginnilluinnartog, suliassap suliarineqarnerani peqataasussaangitsutut isigisariaqarpoq. Taamatuttaaq isigisariaqarpoq kinaluunniit taamatut soqutiginnittumut kimulluunniit sinniisuuguni siusinnerusukkulluunniit suliame tassani tassunga sinniisuusimaguni, aamma soorlu tassunga paarsisuusimaguni imaluunniit inatsisit naapertorlugit sinniisuusimaguni.

Aalajangersagaq taanna naapertuuppoq eqqartuussisarnermik inatsimmi kapitali 1-imi § 10, nr. 1-imut ilaati-gullu nr. 4-mut.

Nr. 2-mi aalajangersakkami pineqarpoq **ilaqutaasut suliame peqataasussaanginnerat**.

Ingerlatsinermi suliame peqataasussaanginneq pillugu pingaartitatut isumaannaasuni taamatut paasinarluartut ilagaat inummut, peqataasup suliame peqataasussaanginnera pillugu malittarisassat malillugit suliame peqataasussaangitsumut, ilaqutariinnikkut qanigisaavallaarneruttaaq suliame peqataasussaanginnermut pissu-

taasusnaanera. Siulitigut ilaqtariissimanissamut nr. 2-mi killiliunneqarpoq illoriinneq. Nr. 1-imi aalajangersakkatut pinnani suli atuuttunik sinniisuuffeqarnerinnaq suliameq qataasusnaannginnermik kinguneqartussaavoq nr. 2-mi aalajangersagaq malillugu.

Ilaqtariinnermut tunngasut taagorneqartut nr. 2 naapertorlugu suliameq qataasusnaannginnermut tunngaviusariaqartut annertunerusutigut naapertuupput eqqartuusisarnermik inatsimmi kapitali 1-imi § 10, nr. 2-mut 3-mullu. Oqaatsit "allat qanigisai" ilanngunneqarmata paarsisuunermut tunngasut saniatigut siunertarineqarneruvoq attuumassuteqarnerup aappariinnermik pissuteqanngitsup kisiannili aalajangersimasumik inooqatigiinnermik pissuteqartup ilanngunneqarnissaa.

Nr. 3-mi aalajangersakkami pineqarpoq ingerlatseqatigiiffiit suliameq qataasusnaannginnerat il.il. Aalajangersakkami tassani pineqarpoq inuinnarmut (privatimut) inatsisinik paasisimasalimmut attuumassuteqarnerinnaq. Taamatut killiliinerup kingunerissavaa inummut inatsisinik paasisimasalimmut Namminersornerullutik Oqartussanit kommunimilluunniit atorfeqartitaasumut attuumassuteqarnerup nr. 3-mi aalajangersagaq malillugu suliameq qataasusnaannginnermik kinguneqannginnissaa. Malittarisassaq taanna atorneqassanngilartaaq pisortat suliffeqarfiutaannut imminut pigisumut inatsisiliornikkut imaluunniit inatsisit naapertorlugit pilersinneqartumut attuumassuteqarneq.

Inummut inatsisinik paasisimasalimmut privatusumut attuumassuteqarneq taaneqartoq aalajangersagaq taanna malillugu suliameq qataasusnaannginnermik taamaallaat kinguneqartussaavoq ingerlatseqatigiit il.il. suliap qanoq inerneqarnissaanik "immikkut" soqutiginnippata. Tamatuma kingunerissavaa peqatigiiffeqarnikkut imaluunniit anguniagaqarnikkut imaluunniit naalakkersuinnermut tunngasutigut ingerlatseqatigiit il.il. soqutigisaat suliameq qataasusnaannginnermut nalinginnaasumik pisutaasartussaassannginnerat. Soorlu assersuutigalugu

ingerlatsinermut oqartussaaqatigiinnut ilaasortaasoq soqutigisaaqatigiinnit toqqarneqarsimappat taakualuunniit inassuteqarneratigut toqqarneqarsimappat soqutigisaaqatigiit taakkua suliap aalajangersimasup qanoq innerneqarnissaanik soqutiginninnerat nalinginnaasumik pissutaassanngilaq ilaasortaasup taassuma suliassamut pineqartumut peqataasussaanngitsutut isigineqartariaqarnissaanut.

Qaqutigoortuunngilartaq kommunalbestyrelsimut ilaasortat ingerlatseqatigiiffiit peqatigiiffiilluunniit siulersuisuinut assigisaannulluunniit ilaassortassatut kommunalbestyrelsimut taassumaluunniit inassuteqarneratigut qinigaasarnerat kommunip soqutigisai taakkunani suliareqqullugit. Kommunini inatsisit malillugit periaatsit naapertorlugit taamatut sinniisuutitaqartarneq isigineqarneq ajorpoq nalinginnaasumik pissutaasussatut inuup taassuma suliassap, peqataasutut akuuffigisami imaluunniit attuumassuteqarfigisami, kommunalbestyrelsimi suliarineqarnerani peqataasussaanngitsutut isigineqarnissaanut. Periaatsip tamatuma sukkulluunniit allangortinnissaa inatsisissatut siunnersuummi siuner-tarineqanngilaq.

Tamatuma assinganik pisoqartarpoq Namminersornerullutik Oqartussani atorfilik ingerlatseqatigiit namminersortut peqatigiiffiilluunniit siulersuisuinut ilaasortanngortitaagaangat Namminersornerullutik Oqartussat soqutigisaat taakkunani suliareqqullugit. Ingerlatseqatigiit siulersuisuini peqataanerup nalinginnaasumik kingunerisussaanngilaa peqataasup taassuma nr. 3-mi aalajangersagaq pissutigalugu suliameqataasussaannginnissaa ingerlatseqatigiinnut peqatigiinnulluunniit tunngasut Namminersornerullutik Oqartussani oqaluuserineqarneranni. Kisiannili suliameqataasussaanngitsoqarsinnaavoq ingerlatseqatigiit qaqutigoortumik aalajangiissusanngortinneqarsimappata aalajangiinerillu tamakku Namminersornerullutik Oqartussanut naammagittaalliutigin eqarsinnaappata, imaluunniit suliassap Namminersorne-



rullutik Oqartussanit suliarinerani siunertarineqarsi-  
mappat inatsisit naapertorlugit innarlitsaalisaanissa-  
mut qularnaveeqqutininik immikkut ittunik pilersitsinis-  
saq. Inuk pineqartoq taanna suliami peqataasussaangis-  
sinnaavortaaq allamik tunngaveqartumik.

Nr. 3 naapertorlugu suliami peqataasussaangitsoqarsin-  
naavoq taamaallaat inuk taanna siulersuisuni peqataap-  
pat imaluunniit inummut inatsisinik paasisimasalimmut  
pineqartumut allatigut qanilluinnartuuppat.

Inuk taanna pineqartoq siulersuisuni peqataanersoq qa-  
qutiguinnaq qulalissutaasassagunarpoq. Taamaalilluni  
pisortaqarfinni qullersaasuinnaangitsut atorfikkaagin-  
naangitsullu aammali soorlu siulersuisunut sinniisuu-  
titaqarfinnulluunniit ilaasortaasut isigisariaqarput  
aalajangersakkami pineqartunut ilaasutut.

Aamma inummut inatsisinik paasisimasalimmut qanilluin-  
nartoq tassaatinneqaannartarsinnaangilaq suliaqarti-  
taq, kisiannili pissutsit naapertorlugit aamma soorlu  
tassaasinnaalluni kinaluunniit aktianik pigisalik, an-  
partinik pigisalik, akiligassarsisitsisoq akiligassa-  
qartorluunniit.

Nr. 4-mi aalajangersakkami pineqarpoq arlariinnik pi-  
sussaaffeqartitaasimasutut suliami peqataasussaangin-  
neq. Aalajangersakkakut tassuuna inatsisinngortinne-  
qarpoq suliami peqataasussaanginneq pillugu pisortati-  
gut ingerlatsinermi ullumikkut inunnit amerlanerusunit  
isumaasutut malittariaqartutut isigineqareersoq.

Aalajangersakkakut tassuuna eqqarsaatigineqaannarput  
suliassat pisortatut oqartussaaffiup allap misissuisu-  
tut imaluunniit nakkutilliisutut sulineranut tunngasut  
tamatumunngaluunniit naammagittaalliutit. Malittari-  
sassiamili eqqarsaatigineqanngillat inuup pisortanit  
aralalinnik suliaqartitaasup suliassap ingerlanneqarfi-  
gisaani assigiinngitsuni aalajangiisarsimanagera suleqa-  
taasarsimanageraluunniit. Taaneqartutulli kingullertut  
ittunik pisoqarsimappat pissusiusut naapertorlugit nr.  
5-imi aalajangersagaq malillugu suliami peqataasus-

saanngitsutut isiginninnissamut pissutissaqalersinnaavoq, suliassap aalajangiisussani arlariinni sularinegarneratigut siunertarineqarsimappat inatsisit naapertorlugit innarlitsaalisaanissamut qularnaveeqqutissamik immikkut ittumik pilersitsinissaq, naammagittaallionissamut tunngavissavimmik takusassaqaarnani.

Nr. 4-mi aalajangersagaq suliami peqataasussaannginermik kinguneqartussaassanngilartaq inuup suliffeqarfik suliassamik sularinneqqaartoq imaluunniit suliامت allatigut attuumassuteqartoq soqutiginnittutut sinnerlugu misissuineramik nakkutilliinermillu suliagarfiusumi peqataanera inatsimmik tunngaveqarsimappat. Taama pisoqartillugu aamma nr. 5-imi aalajangersagaq amerlanertigut kinguneqartussaanngilaaq inuup taassuma suliassap suliffeqarfirmi (aalajangiisussami) allami sularinegarnissaani suliami peqataasussaannginneranik.

Ilaannikkut imaattoqartarpoq, ingerlatsinermut oqartussaasut qulliunngitsut suliassap aalajangersimasup sularinerani inatsisit qanoq paasineqarnissaat assigisaalluunniit pillugit oqartussaasunut qulliusunut sularisaminnut naammagittaalliuuteqarfiusussaasunuttaaq ilit-sersoqqullutik saaffiginnittarlutik. Oqartussaasuni qulliusuni suleqataasup sularineqartup qanoq inerneqarumaarnissaa pillugu isummani ersersillugu siunner-suutini oqaasertalersimangippagu, aalajangiinissamulli inatsisini tunngaviusup qanoq paasineqarnissaa ilitser-suutigiinnarsimallugu, nr. 4-mi aalajangersakkap kingunerissanngilaa suleqataasup taassuma sularineqartumi tassani peqataasussaannginissaa aalajangigaasoq oqartussaasunut qulliusunut naammagittaalliuutigineqarpat. Aalajangigaasoq naammagittaalliuutigineqarpat suleqataasoq taanna "peqataasimassanngilaaq" oqartussaasut qulliunngitsut aalajangiineranni.

Suliami peqataasussaannginissamut pissutaasariaqartut tamakkivillugit taagorneq ajornarmata nr. 5-itut ilanngunneqarpoq aalajangersagaq ataatsimut eqiteriffik, taannalu malillugu suliami peqataasussaanngitsoqartar-

tussaassaaq allanik pissutissaqaraangat inuup pineqartup kinaassusersiorsinnaanngissusia qularilissallugu. Aalajangersagaq taanna malillugu inummut suliami pegataasumut ikinngutaavallaarneq paarlattuanilluunniit malunnartumik qinngarsuisuuneq suliami pegataasinnaannginnermut pissutigineqarsinnaapput, aammalu taamatut, kisiannili immikkut illuinnartunik pisoqartillugu, pegataasussaajunnaartitsisoqarsinnaavoq inuk taanna pisortat akornanniitilluni suliassaq sularineqartussaasoq pillugu qanoq isumaqarnerminik oqaaseqarsimappat. Soorlu kommunalbestyrelsimut ilaasortaq naalakkersuinnermut tunngasunik suliaqarnermini suliassap aalajangersimasup qanoq inernejarnissaa pillugu isummaminik oqaatiginnereersimappat tamanna suliami pegataasussaanginneranut tamatigut pissutaatinneqarsinnaanngilaq.

Taamatuttaaq ingerlatsinnermut oqartussaasuni soqutiginnittutut sinniisuusooq suliassaq pillugu isummaminik oqaatiginnereersimappat tamanna suliami pegataasussaanginneranut tamatigut pissutaatinneqarsinnaanngilaq. Tamatumunngattaq atatillugu inatsisini sumut arlaannut tunngasuni erseqqissumik imaluunniit naatsorsuutigisasatut allassimasinnaavoq inuit aalajangersumik taaneqartut suliassat ilaasa sularineqarnissaanni pegataasassasut.

Tamatumunnga tunngasutigut pisortatigut ingerlatsinnermi inatsisit malillugit periaaseq naapertorlugu imm. 2-mi aalajangersakkami pineqarpoq soqutigisaqarnermut tunngasunik suliami pegataasussaanginnermut pissutaatitsinngissinnaaneq, isumaqarnanngippat aarleqqutissaasoq suliassami aalajangiinissap soqutigisanut tunnganngitsunit sunnernejarnissaa. Pineqartut pegataasinnaasutut aalajangiiffigissagaanni tamanna eqqortumik naliliinnermik tunngaveqartariaqarpoq, pingaartumik naliliiffigisariaqarlutik pineqartup soqutigisai, ingerlatsinnermut pisortaasut aalajangiinerullu suussusii kiisalu inuup pineqartup suliassap sularineqarnerani sutut sulinera.

Pingaartumik aalajangigassap suussusiata pingaaruteqarnera eqqarsaatigalugu oqaatigineqassaaq, aalajangiinisaninalinginnaanerusuni suliami peqataasussaanginnermik isumaqarfiginninnissaq annerusumik aporfiusussaangimmat aalajangiinissanut nalinginnaanginnerusunut naleqqiullugu. Kommunit pisortatut ingerlatsinerannut tunngatillugu suliami peqataasussaanginneq pillugu malittarisassat isumaqarfigisariaqarput atortuuffissaat annikinnerusooq naleqqiullugu aalajangigassanut kommunit namminneq susassarisamik isumaginissaannut nalinginnaasumik piginnaatitaannerat tunngavigalugu aalajangerneqartussanut illuatungaatigullu aalajangigassanut innuttaasunut oqartussaataasutut aalajangigassatut pissuseqartunut kommuninit inatsisit tunngavigalugit aalajangerneqartussanut. Taamali naliliinermi eqqaamasariaqarpoq suliami peqataasussaanginneq pillugu malittarisassat isumannaallilerniaannangimmassuk aalajangiinissap soqutigisanut tunnganngitsunit sunnerneqannginnissaat, aammali ingerlatsinermut oqartussaasut kinaassusersiorsinnaanginnerannik tatiginninnerup annertusar-nissaa.

Imm. 2-mi aalajangersakkap oqaasertaliugaaneraticut nalunangilaq suliami peqataasussaanginnermik naliliiniarnissami taamaallaat pingaaruteqarmat isumaqartariaqarnerooq aalajangiinissap soqutigisanut "tunnganngitsumit" sunnerneqarumaarnissaa aarlerinaateqartoq. Assersuutigalugu inatsisini aalajangerneqarsimappat imaluuniit naatsorsuutigineqarsimappat soqutigisaqaqatigiit assigiinngitsut ingerlatsinermut oqartussaaqatigiinni sinniisuutitaqarnissaat, taakkununga ilaasortaasup peqatigiiffigisami soqutigisaanit nalinginnaasunit sunnerneqarsimanissaa immiini pissutissaanerusariaqassanngilaq suliami peqataasussaanginnissamut. Soqutigisaq taanna amerlanertigut tassaasariaqanngilaq "sussaaqanngissutissaq".

Immikkut ittumik suliami peqataasussaanginneq pillugu malittarisassanut tunngaviusooq tassaavoq pisortatigut

ingerlatsinermi aalajangiinerit soqutigisanut tunnganngitsunit sunnerneqartannginnissaata qularnaallineqar-nissaanik kissaateqarneq taamaattoqartannginnissaanillu tatiginninneq. Taamaattumik imm. 3-mi taaneqarpoq kinaluunniit soqutigisanik imm. 1-imi taaneqartunik soqutiginneqataasoq suliassap sularineqarnerani aalajangiis-sanngitsoq imaluunniit aalajangiinissami peqataassanngitsoq allatulluunniit peqataassanngitsoq, isumaqar-narpat tamakkua aarlerinarsisissagaat suliame aalaja-ngiinissap soqutigisanut tunnganngitsunit sunnerneqar-sinnaanissaa. Inatsisinut atortuusunut naapertuuppoq suliame peqataasussaannngitsup suliap aalajangiiffigine-qarnerani namminerme imaluunniit siusinnerusukkut al-laffimmi sularineqarnerani peqataasussaannginnera. Taamaalilluni ingerlatsinermut oqartussaaqatigiinnut ilaasortaasoq suliame peqataasussaannngitsoq peqataasus-saannngilaq suliap taasissutigineqarnerinnaaniunngitsoq aammali tamatuma siornatigut isumasioqatigiissutaanera-ni.

**§ 4-mut:**

Inatsisissatut siunnersuutip paragraffiisa pingajuanni aalajangersakkap nalinginnaasumik kingunerisassaa tas-saavoq suliame peqataasussaannngitsup suliassap sulari-neqarnerani aalajangiiffigineqarneranilu suliassarisaa-sa taanna pisinnaajunnaartillugu suleqataasumit alla-mit, ataatsimiititanilu allani (nævnini) ilaasortaq pi-sinnaajunnaartillugu taassuma sinniisussaanut, tigune-qartariaqarnissaat. Inatsisissamulli siunnersuummi § 4-mi aalajangersakkap kingunerisussaavaa suliame peqataa-sussaannginnerup atuussinnaannginnera taamatut kingo-raartaasoqartitsinissaq ajornassappat imaluunniit an-nertuumik ajornartorsiutaassappat eqqarsarnartitsilis-sappalluunniit.

Eqqartuussisut eqqarsaatigalugit tamatigut ajornaqutis-saqartartussaannngilaq suliame peqataasussaannngitsup al-lamik kingoraarserneqartarnissaa, tamatumunnga tunnga-

tillugu takuuk eqqartuussisarnermik inatsimmi kapitali 1, § 6, imm. 2.

Tamatigut taamaattuaannarsinnaaneq ajorpoq pisortatigut ingerlatsivimmi. Tassanili imaattoqarsinnaasarpoq, assersuutigalugu suliassaq kinguartinneqarsinnaanngitsut pissuseqartillugu, ajornavissinnaalluni imaluunniit ajornakusoortorujussuusinnaalluni kingoraarteqartitsinissaq, soorluttaaq kingoraarteqartitsinerup pissusiusut naapertorlugit kingunerisarsinnaagaa oqartussaasut aalajangiisussaasut ilisimasaqarnerisa eqqarsarnartumik annikinnerulersinneqarsinnaanerat. Pingaartumik taamaattarsinnaavoq pisortatigut ingerlatsivinni annikinnerusuni soorlu kommunini ingerlatsinermut oqartussaasuni inuttakinnerusuni.

Taamaattumik imm. 1-imi siunnersuutigineqarpoq suliameqataasussaannginneq atuutsinneqartassanngitsoq suliassap sularinissaani suliameqataasussaannngitsup taassuma taartissaanik pissarsinissaq ajornavissappat imaluunniit ajornartorsiutaassorujussuusappat nangaanartoqartorujussuusappalluunniit. Tamanna naapertuuppoq suliameqataasussaannginneq pillugu pisortatigut ingerlatsineq pillugu amerlanernit isumaasut malillugit atuuttussatut isigineqartunuttaaq.

Ingerlatsinermut oqartussaaqatigiinni (assigiinngitsunit sinniisuutitaqarfiusuni) tamatigungajak ajornartasagunanngilaaq ilaasortaataq suliameqataasussaati-taajunnaartillugu kingoraartissaanik aggersaasarnissaq. Taamaattorli kingoraartaasussamik aggersaasoqarsinnaanngippat tamanna suliameqataasussaannginneq atunngitsuuinnarnissaanik kinguneqartariaqanngilaq, tassami ilaasortat tamakkersimassanngikkaluarpataluunniit suliassaq illersorneqarsinnaalluartumik sularineqarsinnaamat aalajangiiffigineqarlunilu ilaasortanit najuutunit.

Tamanna naapertorlugu aammalu imm. 1-imut ilassutitut imm. 2-mi siunnersuutigineqarpoq aalajangersarneqassasoq uani taaneqartutut pisoqartilluguttaaq aatsaat su-



liami peqataasussaannnginnerup atunngitsoorneqartarsinnaanissaa suliami peqataasussaannngitsup peqataanngineratigut oqartussaasut aalajangiisinnaassuseqarnertik annaassappassuk aammalu suliarinninnissaq kinguartinnegarsinnaanngippat pisortat inuinnaalluunniit soqutigisaat annertuumik ajoqusernagit, imaluunniit aamma ilaasortap suliaasap suliarineqarnerani peqataasinnaanngineratigut oqartussaasut inuttalersugaanerat annertuumik eqgarsarnarssissappat suliarinninnissarlu kinguartinnegarsinnaanngippat pisortat inuinnaalluunniit soqutigisaat annertuumik ajoqusernagit.

Kommunimi inatsisit malillugit ingerlatsinermi periaassissatut aalajangiusimanegarpoq kommunalbestyrelsimut ilaasortap aalajangerniagassat kommunalbestyrelsimut ilaasortat sinniisutut suliaasaqarfinnut agguaanegarnerannut tunngasut oqaluuserineqarnissaanni aalajangiiffiginiarneqarnissaannilu nammineq siunnersuutigineqarnini piinnarlugu peqataasinnaatitaanngittariaqannginnera. Tamanna naapertorlugu imm. 3-mi siunnersuutiginegarpoq nalinginnaasumik ileqquusussatut erseqqissumik aalajangersarneqassasoq ingerlatsinermut oqartussaaqatigiinnut (assigiinngitsunit sinniisuutitaqarfigineqartunut) ilaasortaq oqartussaasut taakkua ilaasortaaffissanut ilaasortassanik qinersineranni peqataasassasoq naak nammineq siunnersuutigineqaraluaruniluunniit. Kommunimi inatsisit malillugit periaatsimi aalajangiusimanegarportaag assersuutigalugu borgmesterit imaluunniit ataatsimiititaliat siulittaasui atortuuffimminni aningaasarsiassamik qanoq annertutiginnissaasa aalajangiiffiginiarneqarneranni suliami peqataasussaannngitsutut isigineqannginnissaat. Tamanna naapertorlugu imm. 3-mi oqaaseqatigiit aappaanni aalajangersakkami siunnersuutiginegarpoq § 3-mi aalajangersakkat kommunalbestyrelsit ilaasortat akissarsiaat il.il. pil-lugit aalajangigaannut atortuunnginnissaattaag.



§ 5-imut:

Aalajangersakkakut tassuuna Naalakkersuisut sunut aalajangersimasunut aalajangersagaliorsinnaangortinnegarput §§ 3-mi 4-milu aalajangersakkat sunniuteqarfigisassaannik erseqqinnerusumik aalajangiisuusunik.

Taamaalilluni aalajangersagaq taanna tunngavigalugu pisortatigut ingerlatsinermut tunngasuni aalajangersimasuni imaluunniit ingerlatsinermut suliffeqarfinni, tamakkunani immikkut ittunik pissutissaqartillugu, atugassanik pisortatigut malittarisassaliortoqarsinnaavoq, soorlu suleriaasissat pillugit aalajangersakkani, taakkunuuna suliffeqarfinni pineqartuni pissutsit immikkut ittut naatsorsuutigalugit erseqqissarlugit imaluunniit paasinarsarlugit pisortatigut ingerlatsinermik inatsimmi aalajangersakkat nalinginnaasut.

§ 6-imut:

Imm. 1-imi nalinginnaasumik malittarisassatut aalajangersarneqarpoq kialuunniit pissutsinik inatsisissatut siunnersuummi § 3, imm. 1, malillugu suliami peqataasussaangissutaasinnaasunik pissuseqartumik ilisimanittup oqartussaasuni qullersarisani piaartumik tamatuminnga nalunaarfigissagai. Ingerlatsinermut oqartussaqatigiinnut assigiinngitsunit ilaasortaatitaqarfigineqartunut ilaasortaaq pillugit nalunaarutissaq oqartussaasunut taakkununnga nalunaarutigineqassaaq, tassa nalinginnaasumik imaappoq siulittaasumut allattoqarfimmulluunniit. Suliamili peqataasinnaangissutaasinnaasut siulittasumut namminermut tunngasuuppata taassuma (siulittaasup) peqataasinnaanginnermik apeqgut allatut (illiorluni) saqqummiuttariaqarpaa, tamanna aalajangiiffigineqarsinnaaqullugu inatsisissatut siunnersuummi § 6, imm. 2-mi malittarisassat malillugit.

Ilisimatitsisartussaatisinikkut qularnaallineqassaaq aalajangiiffigeqquneqartut soqutigisatik pissutigalugit suliami peqataasussaangitsutut isigineqassanersut imm. 2-mi malittarisassiat malillugit tamatigut aalajangiif-

figineqartarnissaat. Ilisimatitsisoqartanngissinnaavorli erseqqilluinnaraangat suliame peqataasinnaannginnermut tunngavissaqanngitsoq. Pingaartumik taamaattartussaavoq suliame peqataasussaannngitsutut isumaqarfigisap suliassap suliarineqarnerani suliai tassaanagerusimappata assersuutigalugu maskiinamik allanneq, allakkanik nas-siussineq assigisaalluunniit, suliaa tasaanani aalajangiiniaqataaneq.

Piaartumik ilisimatitsisoqartassaaq, tassa imaappoq sapinngisamik suliassaq suliarineqalertinnagu, taamaallilluni isummerfigineqartarsinnaaqqullugu pineqartoq suliassap suliarineqarnerani peqataasariaqarner-soq. Suliassap nukinginnarluinnartuunera inatsisissatut siunnersuummi § 4 malillugu pissutaasinnaavoq soqutiginninnerup suliame peqataasussaannngissutaasinnaannginnissaanut. Taamatut pisoqartillugu piaartumik ilisimatitsinissaq ajornarsimappat kingusinnerusukkut ilisimatitsisariaqarpoq.

Imm. 2 naapertorlugu inuup suliame peqataasussannginnissaa oqartussaasut namminneq aalajangissavaat. Immikkoortumi tassani aalajangersakkakut siunertarineqanngilaq oqartussaasut namminneq akunnerminni toqqakka-minnik sinniisuutitaqartarnissaat pillugu malittarisas-sanik atortuusunik allanngortitsinissaq. Taamaallilluni ingerlatsinermut oqartussaaqatigiinnut assigiinngitsunit sinniisuutitaqarfigineqartunut siulittaasup ilaasortat arlaata suliame peqataasussaannnginneranik peqataasinnaaneranilluunniit apeqqut aalajangiiffigisinnavaa inatsisitigut imaluunniit inatsisit naapertorlugit taamatut aalajangiisussaataaguni imaluunniit oqartussaaqatigiit suliassat taamaattut aalajangiiffiginissaannut inatsisitigut pisussaataasut nammineq aalajangiisuusussanngortissimappanni.

Imm. 3 naapertorlugu inuk taanna suliame peqataasussaannnginneq pillugu apeqqutip oqaluuserineqarnissaani aalajangiiffigineqarnissaanilu allatut ajornartinnagu

nammineq peqataassanngilaq.

Ingerlatsinermut oqartussaasut ilaannut (ilaatigut qummut isigisaasunik inuttaqartunut) apeqqut taanna annerusumik pingaaruteqarunannngilaq, tassami suleqataasooq isumaqaruni suliami peqataasinnaanini qularineqalersinnaasooq suleqatimi arlaannut kingoraaqquinnarsinnaammat suliaassap suliarinerani. Suliami peqataasussaaneq peqataasussaanginnerluunniit aalajangiiffigineqassatillugit, assersuutigalugu tamatuma suliami peqataasumit saqqummiunneqarnera pissutigalugu imaluunniit ingerlatsinermut oqartussaaqatigiit assigiinngitsunit sinniisuutitaqarfigineqartut aalajangerniartussaammassuk kingoraarsisussamik aggersaassanerlutik aggersaassannginnerlutilluunniit, suliami peqataasussaanginneq pillugu malittarisassani tunuliaqutaasutut eqqarsaatigineqartunut naleqqunnerpaassaaq pineqartoq apeqqutip tamatuma oqaluuserineqarnissaani aalajangiiffigineqarnissaanilu peqataatinngikkallassallugu. Inatsisissatut siunnersuummi § 4, imm. 1-imi 2-milu aalajangersakkat aamma taamatut atorineqassappata taamatut aqqissuussineq ajornartorsiutinik pilersitsisussatut isumaqarfigisariaqarunannngilaq.

Kisiannili ingerlatsinermut oqartussaaqatigiinni assigiinngitsunit sinniisuutitaqarfigineqartuni assigiinngitsuni ileqquleriartorpoq ilaasortat suliami peqataasussaassannginnerisut peqataasussaassanersulluunniit ingerlatsinermut suliffeqarfimmi oqaluuserineqarneranni aalajangiiffiginiarneqarnerannilu ilaasortap pineqartup nammineq peqataatittarnera. Taamaattumik oqaaseqatigiit aappaanni siunnersuutigineqarpoq tamatumunnga tunngasumik malittarisassat immikkut ittut allanngortinnagit atuinnaasat. Oqaaseqatigiinnili siullerni malittarisassatut nalinginnaasutut siunnersuutigineqartup atorinneqarnerata kingunerisariaqassavaa inatsisit pisortatigullu peqqussutit pineqartumut tunngasut siunissami allanngortinneqassagaangata isumaliutigilluartassallugu malittarisassat immikkut ittut taamaattut allanngortin-

nagit atuinnarneqartassanersut.

### Kapitali 3-mut.

Kapitalimi tassani aalajangersakkat imaraat ingerlatsinermut oqartussaasut innuttaasunut ilitersuisarnissaat inuttaasullu suliassat imminnut tunngasut ingerlatsinermut oqartussaasunit sularineqarneranni sinniisuu-titaqarsinnaanerat pillugit malittarisassat.

#### § 7-imut:

§ 7-imi aalajangersakkami erseqqissumik taaneqarpoq innuttaasunik ilitersuisarnissaq ingerlatsinermut oqartussaasunut tamanut nalinginnaasumik pisussaaffiusoq. Aalajangersagaq malillugu pisariaqartitsineq naapertorlugu ilitersuisoqartartussaavoq apeqqutaatillugit suliassap suunera pissusiusullu erseqqissut. Ilitersuisoqarsinnaavoq allaganngorlugu suliamik, soorlu ilitersuummik naqitamik tamanut atortumik, oqartussaasunut saaffiginnittunut tamanut tunniunneqartussamik imaluunniit ataasiakkaanut oqaasiinnartigut imaluunniit taakku tamaasa atorlugit. Ilitersuinerup qularnaallisariaqarpaa innuttaasut paasisilluarneqarnissaat malittarisassanik ingerlatsivimmi pineqartumi atorneqartunik aamma periaatsit oqartussaasunut saaffiginnittup malitassaasa suunerinik aammalu innuttaasut paasissutissiissutigisassaasa suunerinik.

Oqartussaasuttaaq innuttaasoq imminnut saaffiginnittoq pisariaqarneratut annertutigisumik ikiortariaqarpat pisariaqarpat qinnuteqaatinik, nalunaarutinik assigisaannilluunniit immersuinissaanut.

Innuttaasoq oqartussaasunut saaffigineqartussaanngitsunut ornigulluni telefonterluniluunniit saaffiginnippat ilisimatinneqassaag oqartussaasunut kikkunnut saaffiginninnissaanik. § 7, imm. 2-mi aalajangersakkami erseqqissumik allassimavoq saaffiginnissut oqartussaasu-

nut saaffigineqartussaannngitsunut allaganngorlugu nas-  
siunneqarsimappat taava oqartussaasut taakkua saaffi-  
ginnissut oqartussaasunut eqqortunut ingerlateqqissa-  
gaat.

§ 8-mut:

§ 8, imm. 1-imi nalinginnaasumik periaasiusussatut aa-  
lajangerneqarpoq suliame ingerlatsinermut oqartussaasu-  
nit aalajangiiffigineqartumi aalajangiiffigineqarumaar-  
tumiluunniit peqataasoq suliap suliarineqarnerani suk-  
kulluunniit allamik sinniisogartitaajumasinnaasoq ima-  
luunniit ikiorteqarumasinnaasoq.

Suliame peqataasup kimit sinniisuuffigineqarnissaa iki-  
orneqarnissaaluunniit pillugit aalajangersakkami tassa-  
ni malittarisassamik allassimasoqanngilaq. Tassa suliame  
peqataasut sinniisogarumasinnaapput ikiorteqaruma-  
sinnaallutilluunniit immikkut paasisimasalinnik, soor-  
lu advokatimik imaluunniit naatsorsuutinik kukkuner-  
siuisartumik imaluunniit allamik. Allamik sinniisuusoq  
ilaannikkut pinerluttuliornerit pillugit inatsisit ma-  
lillugit pisuutitassaasinnaasarmat imaluunniit taarsii-  
sussaataasarmat nalinginnaasumik piumasarineqartar-  
sinnaavoq suliame peqataasumut sinniisuusoq inersima-  
suussasoq (nammineersinnaasoq). Amerlanertigulli akor-  
nutissaqarsinnaanngilaq ukioqqortunngitsut naammattumik  
inerissimasut suliame peqataasumut ikiuutsittarnissaan-  
nut, soorlu qitornaasoq angajoqqaaminut nutserisutut  
ikiortaatilugulu. Suliame peqataasoq sinniisogartissin-  
naavortaaq soqutigisaqatigiit kattuffiisa arlaanneer-  
sumik.

Aalajangersagaq taanna naapertorlugu suliame peqataasoq  
sinniisogartissinnaavoq suliassap suliarineqarnera ta-  
makkerlugu, aammali sinniisogartikkumasinnaavoq suliassap  
suliarineqarnerata ilaannaani imaluunniit ikiorteqar-  
titaaginnarumasinnaalluni ingerlatsinermut oqartus-  
saasuni sulisunik ataatsimeeqateqarnermini.  
Oqartussaasut suliassamik suliarinnettussat aalajangis-

savaat suliame peqataasumut sinniisuusooq alla sinnerlugu pisussaataitaanermut allagartamik takutitaqassanersooq imaluunniit suliame peqataasumut sinniisuusinnaanerninik allatut uppersarsaasinnaanersooq. Suliame peqataasumut sinniisuusooq advokatiuppat imaluunniit ingerlatsinermut pisortaqarfimmuut tunngasunut sinniisuutitaqartartut arlaannut ilaasortaappat, soorlu naatsorsuutininik kukkunersiuisartuulluni imaluunniit socialrãdgiveriulluni (isumaginninnermut tunngasutigut siunnersuisartuulluni), amerlanertigut pisariaqartassanngilaq taassuma alla sinnerlugu pisussaataitaanermut uppersarsaatinik takutitaqarnissaa piumasarissallugu suliassap suussusia pisimasulluunniit allat taamatut piunasaqarnissamut tunngavissaqartitsinngippata.

Suliame peqataasup sinniisoqartitaasarnissaanik aalajangersagaq taanna atorneqartussaangilaq inatsisitigut aalajangerneqarsimappat suliame peqataasup suliassap suliarineqarnerani peqataanissaa imaluunniit suliassap suussusia tunngavigalugu taassuma nammineq peqataanissaa pingaaruteqarpat. Taamaakkaangat pisortatigut ingerlatsinermut tunngasumik suliassami peqataasooq suliassamut tunngasut paasiniarneqarneranni suliassallu suliarineqarnerani sinniisoqarnani nammineq peqataasasaaq oqartussaasut tamanna pisariaqartippassuk. Soorlu taamaattoqartarsinnaavoq nakorsap nalunaaruteqarnerani imaluunniit pisortatut oqartussaasunut nammineerluni nalunaaruteqartoqassatillugu.

Suliame peqataasooq suliassap suliarineqarnera tamakkerlugu allamit sinniisuuffigineqarsimappat suliassap suliarineqarnera aalajangiiffigineqarneralu pillugit oqartussaasunit saaffiginnissutissat nalinginnaasumik saaffiginnissutigisariaqarput sinniisuusumut tassunga. Suliame peqataasooq ilisimatinneqarsinnaavortaag taamaalliornissaq ajunnginnerusorineqarpat. Oqartussaasunit saaffiginnissutissat suliame peqataasup aamma imminut imminuinnarluunniit saaffiginnissutigineqartarnissaat kissaatigippagu kissaatigisaa taanna oqartussaasut ma-

littariaqarpaat. Suliame peqataasoq suliassap suliari-  
neqarnerata ilaannaani sinniisogarsimappat ikiorteqar-  
simappalluunniit suliame peqataasoq nammineq ilisima-  
tinneqassaaq. Suliame peqataasup suliassap suliarine-  
garnerani sinniisogarumalluni imaluunniit ikiorteqaru-  
malluni kissateqarsinnaanera imm. 2 malillugu akueri-  
neqarsinnaangilaq peqataasup taassuma sinniisogartin-  
neqarsinnaanissaminik imaluunniit ikiorteqartinneqar-  
sinnaanissaminik soqutiginninnera pisortat inuinnaal-  
luunniit soqutigisaat pissutiginerullugit minnerutit-  
tariaqartutut isumaqarfinarpat.

Allaasumik iliornissamik aalajangersagaq taanna malil-  
lugu oqartussaasut aalajangiiniartussat suliame peqa-  
taasup ikiorteqarnissamik soqutiginninnera illuatungaa-  
tigullu sinniisogarnissaanut ikiorteqarnissaanulluun-  
niit akornutaasutut isigisariaqartut tamatigut missor-  
luartassavaat. Aalajangersagaq taanna atorneqarsinnaa-  
voq assersuutigalugu suliame peqataasup oqartussaasunik  
ataatsimeeqateqartilluni kissaatigippagu inunnik arla-  
linnik ikiorteqarnissani oqartussaasullu suliassap su-  
liarineqarnissaa, eqgissisimanissaq torersaarnissarlu  
suliassamiluunniit peqataasut allat eqqarsaatigalugit  
pisariaqartippassuk illersuisuusussat amerlassusiisa  
killilernissaat imaluunniit allat pinnatik suliassamili  
peqataasuinnaat ataatsimiinnermi peqataanissaat. Allaa-  
sumik iliornissamik aalajangersagaq taanna aamma ator-  
neqarsinnavoq suliame peqataasup sinniisorisami allamik  
taarsernissaa kissaatigippagu tamatumalu kingunerisaa-  
nik suliassamik kinguartitsinerup suliap aalajangiiffi-  
ginissaanut inatsisit malillugit killiliusaaq qaanger-  
neqassappat. Aamma pisortat inuinnaalluunniit soqutigi-  
saat kinguartitsinikkut ajoquserneqartussat eqqarsaati-  
ginerullugit kinguartitsinissaq akuersaarnangippat  
oqartussaasut suliame peqataasup suliassap suliarine-  
garnerani sinniisogartitaanissaminik ikiorteqartitaa-  
nissaminilluunniit kissateqarnera taamattaq akuerin-  
ngissinnaavaat. Sinniisuusussaq suliame peqataasup sin-



nigassami soqutigisaasa sulissutiginiissaannut naleqqu-  
tinngilluinnartuuppat aalajangersagaq taanna immikkut  
ittunik pisoqartillugu aamma atornegartarsinnaavoq su-  
liami peqataasoq taanna pissutigalugu.

**§ 9-mut:**

§ 9-mi aalajangersakkat imaraat suliami peqataasup qin-  
nuteqaanni malillugu suliassami imminut tunngasumi al-  
lagaatinik ilisimatinneqarsinnaanera pillugu aamma al-  
lanut tusarliusseqqusaannginnermik peqqussuteqarpat  
qanoq paasisariaqarneri pillugit pingaarnertut malit-  
tarisassat.

Imm. 1-imi aalajangersakkat naapertuupput inunnut tama-  
nut isertuussinnginnissamik inatsimmi § 10, imm. 1-imi  
oqaaseqatigiinnut siullernut.

Inunnut tamanut isertuussinnginnissamik inatsimmi § 10-  
mi killilerneqarput inuit suliami peqataallutik ima  
taanegartut "qinnuteqartut, naammagittaalliortut aamma  
suliami peqataasut allat". Inatsisissatut siunnersuummi  
suliami peqataasoq qanoq paasineqassasoq erseqqissumik  
nassuiarneqanngilaq, paasineqassaarli inunnut tamanut  
isertuussinnginnissamik inatsit najoqqutaralugu oqaat-  
sip taassuma imarisaata qanoq paasineqaleriartornera  
naapertorlugu.

Inatsisissatut siunnersuummi suliami peqataasutut pine-  
garput siullermik qinnuteqartut, tassa imaappoq inuit  
ikiorneqarnissamik, akuerineqarnissamik assigisaannil-  
luunniit ingerlatsineri oqartussaasunut qinnuteqaate-  
qartut. Aammattaq pinegarput naammagittaalliortut,  
tassa imaappoq inuit naammagittaalliorsinnaatitaasutut  
suliamut imminerminnut tunngasumik saqqummiussiffigeq-  
quneqartumut naammagittaalliummik tunniussaqaarsimasut.  
Aamma inuit inerterneqartut peqqusiffigineqartulluun-  
niit imaluunniit taama pineqarumaartut suliami peqataa-  
sutut naatsorsuunneqassapput. Taamaalilluni suliami  
peqataasutut pineqarajupput namminerminnut tunngasumik  
aalajangerneqartumik ilisimatinneqartussat, aammali

inuit allat inatsisinik paasisimasaliunngitsut paasisi-  
masallilluunniit suliami peqataasutut naatsorsuunneqar-  
sinnaapput. Suliassat ilaanni aamma soorlu kommunit  
allallu pisortatut oqartussaasut suliami peqataasutut  
naatsorsuunneqarsinnaapput. Nalornisoorfiusinnaasunik  
pisoqartillugu pingaartumik tunngavigisariaqarput na-  
lornisoorutaasup taassuma suliami soqutiginninnerata  
qanoq annertutiginera aammalu soqutiginninnerup suliap  
inerneriumaagassaanut qanoq tunngatiginera. Inunnut  
tamanut isertuussinnginnissamik inatsimmut atortuusu-  
mut atatillugu periaasiuleriartortumut naapertuuttumik  
suliami peqataasumik oqartarnermi salliutitaasarpog  
kinaluunniit suliap ingerlanneqartup aalajangiiffigine-  
qartulluunniit inernerisassaanik ima soqutiginnitsigi-  
soq pisortatigut ingerlatsinermi inatsisaasuni malit-  
tarisassat nalinginnaasut malillugit aalajangiinerup  
naammagittaalliutigineranik aalajangiisussanut qulliu-  
sunut saqqummiussisussaviusutut imaluunniit eqqartuus-  
sisunut suliassanngortitsisussaasutut isigisariaqarlu-  
ni. Inatsisilli immikkut ittut malillugit inuit allat  
aalajangiiffigisaanngitsut pisortatigut ingerlatsinermi  
inatsisaasuni malittarisassat nalinginnaasut malillugit  
pisinnaanngisaraluaminnik naammagittaalliorsinnaatitaa-  
sunngorsimappata pisariaqanngilaq taakku pisortatigut  
ingerlatsinermik inatsimmi malittarisassat malillugit  
suliami peqataasutut naatsorsuutissallugit. Inuilli  
taamaattut ilaat naammagittaalliummik tunniussaqaqarpat  
taanna salliutillugu isigisariaqarpoq naammagittaal-  
liuummik suliassami namminermi peqataasutut.

Suliassani avatangiisinut tunngasuni suliami peqataa-  
sutut isigisariaqartut killiliiffigiuminaattartussaas-  
sapput. Kinaluunniit imaluunniit kikkulluunniit aalaja-  
ngiiffigineqartut tassaasussaapput suliami peqataasut.  
Inuit avatangiisit pillugit inatsisit malillugit naam-  
magittaalliorsinnaatitaasut inatsisit paasilluassagaan-  
ni qulaani taaneqartutut taamaassusertik pissutigalugu  
suliami peqataasuunngillat, suliap aalajangiiffigine-

garnissaa inatsisitigut piumasarineqartutut annertuti-  
gisumik soqutigisarinngikkunikku. Tamatumunnga tunnga-  
sutigut naammagittaalliorsinnaatitaasup naammagittaal-  
liuummik suliarinnittussami siullermi aammattaq sulia-  
mi peqataasussaataitaanissaanik aalajangiinissamut tun-  
ngaviusariaqarpoq aalajangiinerup inummut tassunga qa-  
noq pingaaruteqartiginissaanik erseqqissumik nalilii-  
neq. Naammagittaalliut suliaassanngorlugu tunniunneqar-  
pat naammagittaalliortoq isigisariaqarpoq naammagit-  
taalliummik suliaassami namminermit peqataasutut.

Inuk ingerlatsinermit oqartussaasunut saaffiginninner-  
migut oqartussaasut suliaassanngortitsinissaannut pissu-  
taalissappat tamatuma immi kingunerisariaqanngilaa  
saaffiginnittup taassuma suliami peqataalerneru. Taa-  
maalilluni assersuutigalugu kinaluunniit kommunimi nak-  
kutilliisutut oqartussaasunut saaffiginninnermigut  
taakkuninnga misissuilersitsisoq tamanna pissutigalugu  
nakkutilliisutut oqartussaasut suliarititaanni suliami-  
luunniit saaffiginninnermit pissutaasumi peqataasutut  
naatsorsuunneqalersinnaanngilaq.

Suliami peqataanermik oqaaseq atornerqarneruneq ajorpoq  
peqqussutinik tamanut atortunik naammassinninnissaq  
imaluunniit iliuutsinik nalinginnaasutut pissuseqartu-  
nik iliuuseqarnissaq pillugit suliani. Iliuutsit nali-  
nginnaasut tassaasinnaapput ilaatigut tamanut atortus-  
sanik pilersaarusiorneq.

Suliami peqataasup alla pisussanngortissinnaavaa nammi-  
neq sinnerluni suliaassamut tunngasunik ilisimasaqarsin-  
naatitaanerminik atuiniarnissaanut. Pingaartumik peqa-  
taasooq sinnerlugu suliaassamut tunngasunik ilisimatinne-  
garnissaamik qinnuteqaat allanit, advokatiunngitsunit  
imaluunniit inuussutissariuteqartuunngitsunit ingerlat-  
sinermit suliffeqarfimmi suliami pineqartumut sinnii-  
sussaviunngitsunit, saqqummiunneqarpat amerlanertigut  
eqqornerpaasassaaq sinniisutut pisussaataitaanera upper-  
narsaqqussallugu.

§ 9, imm. 1-imi, oqaaseqatigiit aappaanni allassimasut

naapertorlugit qinnuteqaammi allassimassaaq suliassap, allakkat suliassamut tassunga tunngasortai qinnuteqartup paasiumallugit qinnutigisaata, suunera.

Suliassap suuneranik taama taasagarnissaq pisariaqarpoq pisariillisaataanissaa taamatullu peqqissaarussinissaq pissutigalugit. Taamaattorli suliassami peqataasup suliassamut tunngasunik ilisimatinneqarumalluni qinnuteqaataani amerlanertigut erseqqereertassaaq suliassap aalajangersagaq malillugu nalunaaqqusaasup suunera, oqartussaasullu saaffigineqartut, suliassap suunera erseqqereersimassanngikkaluarpat, annertuumik pisussaa-titaapput ilitersuinissamut.

Imm. 2-mi aalajangersagaq malillugu inuit pisortat atorfeqarfiini sinniisuutitaqarfiiniluunniit suliaqartut allanut tusarliusseqqusaannginnerat pillugu aalajangersakkat suliassamut tunngasut ilisimatitsissutaasinna-nerat siunnersuummi kapitali malillugu killilinnigilaat. Aalajangersagaq taanna naapertuuppoq inunnut tamanut isertuussinnginnissamik inatsisini atortuusuni § 10, imm. 3-mut.

#### § 10-mut:

Inatsisissatut siunnersuummi § 10-mi aalajangersakkat imaraat suliassami peqataasup allagaatinik suliassamut tunngasunik tamanik ilisimatinneqaqqaartarnissaminut pisinnaatitaanera pillugu pingaarnertut malittarisassat kiisalu suliassamut tunngasut pillugit journalinut il. il. allattuisarnissaq. Suliassamut tunngasunik ilisima-saqarsinnaatitaanerup annertussusia ilaatigut naaper-tuuppoq inunnut tamanut isertuussinnginnissamik inat-simmi atortuusumi § 3-mut.

§ 10, imm. 1, nr. 2 naapertorlugu suliassamut tunngasunik ilisimatinneqarsinnaatitaanermi pineqarput allakkat suliassamut tunngasut journalinut, nalunaarsuiffin-nut allattuiffinnullu allanut allattorneqarsimasut, a-peqqutaatinnagu allattorneqartut tamakku assaannarmik imaluunniit qarasaasiat atorlugit allattorneqarsimaner-

sut. Qarasaasiaq atorlugu journalimut allattuisoqarsi-  
magaangat suliassamut tunngasunik ilisimasaqarumasogar-  
tillugu allakkat suliassamut tunngasut immiussat anil-  
latsittariaqartassapput tamakkua imarisaannik suliassa-  
mi peqataasoq ilisimasaqalersinnaaqullugu.

Inatsisissatut siunnersuutip atortuuffissaata killili-  
gaanera § 2, imm. 1-imi allassimasoq naapertorlugu su-  
liassami peqataasut suliassamut tunngasunik ilisimasa-  
qalersinnaanerat pillugu malittarisassat taamaaginnar-  
lutik tunngavissaqalersitsinngillat nalunaarsuiffin-  
niittunik ilisimatinneqarnissamut, apeqqutaatinnagu  
tamakku assaannarmik qarasaasialluunniit atorlugit al-  
lattoreqarsimanersut. Imm. 2-mi aalajangersagaq atoq-  
qiineruvoq inunnut tamanut isertuussinnginnissamik i-  
natsimmi atortuusumi § 10, imm. 2-mi allassimasunik.

#### § 11-mut:

Suliassami peqataasup suliassamut tunngasunik ilisima-  
tinneqarnissani qinnutiginiariaraangagu aalajangersagaq  
taanna malillugu oqartussaasut suliassap aalajangiiffi-  
gineqarnissaa kinguartissavaat suliassami peqataasoq  
allagaatinik suliassamut tunngasunik misissuilluareer-  
serlugu.

Aalajangersagaq taanna naapertuuppoq inunnut tamanut  
isertuussinnginnissamik inatsimmi atortuusumi § 11-mut.

#### § 12-imut:

Inatsisissatut siunnersuummi § 12-imi aalajangersakkat  
suliassami peqataasup suliassamut tunngasunik ilisima-  
saqarumasinnaaneramik killiliisinnaatitsisuupput oqar-  
tussaasut qanoq aalajangiiniarnissaminnik suliaqarsin-  
naanerat illersorniarlugu.

Aamma inunnut tamanut isertuussinnginnissamik inatsit  
atortuusooq, taamatut illersuinissaq pillugu inatsimmi  
tassani § 5, nr. 3-5-imi aalajangersagartaqartoq, ma-  
lillugu aalajangersakkat taakku killiliisuupput inuit  
kikkulluunniit taamatullu suliassami peqataasut sulas-

samut tunngasunik ilisimasaqarumasinnaatitaanerannik. Inunnut kikkunnulluunniit isertuussinnginnissamik inatsimmi atortuusumi aaqgissuussineq naapertorlugu aalajangiunneqarpoq suliassamut tunngasunik ilisimatinneqarsinnaaneq pillugu pingaarnertut malittarisassaq pisoratat aalajangiinerinnaatigut sanioqqunneqarsinnaasoq tamanna suliassaq misissorluareerlugu pisariaqartutut isigineqarsinnaappat.

**§ 13-imut:**

§ 13-imi aalajangersakkami taagorneqarput allakkat assigiinngitsut pingasut, § 12, imm. 1-imi aalajangersakkani pineqaraluarlutik, oqartussaasoqarfimmi atortussatut isigalugit suliassamut tunngasunik ilisimasaqarsinnaatitaanermi ilaatinneqanngitsoorsinnaanngitsut.

**§ 14-imut:**

Inatsisissatut siunnersuummi § 14-imi aalajangersakkat ilaatigut paasisariaqarput ilisimatitsissutigeqqusaanngitsut pillugit aalajangersakkat ilaannik inunnut tamanut isertuussinnginnissamik inatsimmi atortuusumi § 5-imi allassimasunik atogqiinerusut. Siunnersuummili uani ilanngunneqanngillat inatsisissat pillugit ministerit allaffigeqatigiittarneri aamma atortussat pisortatigut kisitsisit atorlugit paasissutissiornermut tunngavigissallugit pissarsiarineqarsimasut pillugit inatsimmi atortuusumi § 5, nr. 2-mi 8-milu aalajangersakkat, tassa malittarisassat taamaattut suliassami peqataasut suliassamut tunngasunik ilisimasaqarsinnaatitaanerat pillugu malittarisassanut naleqqiullugit annertunerusumik pingaaruteqanngitsutut isigisariaqarmata.

**§ 15-imut:**

Allagaatit oqartussaasoqarfimmi sulianut tunngasut aammalu allagaatit allat aalajangersimalluinnartut suliassap suliarineqarnerani immikkut ittunut atortussaanerat pissutigalugu ilisimatitsissutigineqannginnissaannik

inatsisissatut siunnersuummi ilisimatitsissutigineqan-  
ginnissaannik inatsisissatut siunnersuummi §§ 12-imit  
14-imit aalajangersakkanut akerliusumik § 15 taamaal-  
laallat tunngavissaqalersitsivoq suliassaq tamatigut  
misissorluagqaarlugu allakkamilu paasissutissiissutigi-  
neqartut imarisaat eqqarsaatigalugit suliassami peqa-  
taasup suliassamut tunngasunik ilisimasaqarsinnaati-  
taanerata ilaannaasumik tamakkiisumilluunniit atunngit-  
soortissinnaaneranut. Inunnut tamanut isertuussinngin-  
nissamik inatsimmi atortuusumi § 10, imm. 1-imit tun-  
ngaviuvoq pingaarnertut isuma imaattoq, suliassami pe-  
qataasup suliassamut tunngasunik ilisimasaqarsinnaati-  
taaneramik malittarisassaliornermi taassumunnga iluaqu-  
taasussatut tunngavigineqartut ima pingaaruteqartigi-  
simanissaat suliassami peqataasup allakkanik imminut  
tunngasunik ilisimatinnegarsinnaanera aatsaat atunngit-  
soorneqarsinnaassasoq suliassap misissorluareernerati-  
gut paasinarsissappat qinnuteqaatip akuerineqarnerati-  
gut inuinnaat pisortalluunniit soqutigisaasa ajoqusi-  
ngaatsiarneqarsinnaanissaat.

Imm. 1-imi aalajangersagaq naapertuuppoq inunnut tama-  
nut isertuussinnginnissamik inatsimmi atortuusumi § 10,  
imm. 1-imi oqaaseqatigiit aappaannut, allaassutigalu-  
guli aalajangersakkami uani soqutigisat assigiinngit-  
sut suliassami peqataasup suliassamut tunngasunik ili-  
simatinnegarnissaminik qinnuteqaataata itigartinnissaa-  
nut tunngaviusinnaasut assersuusiorlugit taagorneqar-  
nerat.

Inunnut tamanut isertuussinnginnissamik inatsimmi ator-  
tuusumisut sianiginiagassat annertuut suliassami peqa-  
taasumut namminermit imaluunniit inuinnarnut allanut  
imaluunniit pisortat soqutigisaannut tunngasut kisimik  
suliassami peqataasup suliassamut tunngasunik ilisima-  
saqarsinnaatitaanerata killiliiffigineqarnissaanut tun-  
ngaviusinnaapput. Taama killiliisoqarsinnaavortaaq,  
aammattaq maannamutut, aatsaat soqutigisat assigiin-  
ngitsut tamakkua oqimaaqatigiissaarluarneqareernerat



tunngavigalugu, allakkallu tamarmik immikkut oqimaaga-tigiissaariffigineqartassapput soorlu tamanna naatsorsuutigineqartoq imm. 2-mi.

Imm. 2-mi aalajangersagaq naapertuuppoq inunnut tamanut isertuussinnginnissamik inatsimmi atortuusumi § 10, imm. 1-imi oqaaseqatigiit pingajuannut.

**§ 16-imut:**

§ 16-imi aalajangersakkat, imm. 2-mi aalajangersagaq eqqaassanngikkaanni, inunnut tamanut isertuussinnginnissamik inatsimmi atortuusumi § 8-mut aamma § 10, imm. 4-mut annertunerusutigut naapertuuttut imaraat suliassamut tunngasunik ilisimasaqarsinnaatitaaneq pillugu kiisalu suliassamut tunngasunik qanoq ilisimatitsisarnissaq pillugu suliassat aalajangiiffigineqartarnissaannut malittarisassat erseqqinnerusut.

Imm. 1-imi aalajangersagaq inunnut tamanut isertuussinnginnissamik inatsimmi atortuusumi § 8, imm. 1 malillugu atortuusumik allanngortinnagu atoqqiineruvoq.

Oqartussaasoqatigiinni piginnaatitaanermik allamut tunniussisarneq, tassungalu ilanngullugu oqartussaaga-tigiit siulittaasuminnik allattoqarfimminniluunniit atorfilimmik sinnerlutik piginnaassusiliisarnissaat, pillugu malittarisassat nalinnginnaasut malillugit aalajangerneqartassaaq kia suliassamut tunngasunik ilisimatinneqarnissamik qinnuteqaatinut oqartussaasuni taak-kunani aalajangiisussaatinneqartarnissaa.

Imm. 2-mi aalajangersagaq, nutaamik aalajangersagaasoq, malillugu oqartussaasut saaffigineqartut piaartumik aalajangertassavaat suliassamut tunngasunik ilisimatinneqarumanermik qinnuteqaat akuerineqarsinnaanersoq, qinnuteqaallu akuerineqanngippat itigartinneqarpallunniit qinnuteqaatip tiguneqarneranit kingusinnerpaamik ullut qulit qaangiutsinnagit qinnuteqartoq tamatumunnga pisutaasunik kiisalu qaqugu aalajangiiffigineqassangatinneqarneranik nalunaarfigineqassaaq. Suliassami peqataa-

sup suliassamut tunngasunik ilisimasaqarsinnaatitaanera pillugu malittarisassaqaalersitsinikkut pingaartitanit salleryaavoq suliassami peqataasup suliassap suliarinegarnerani suliassamut tunngasunik ilisimatinnegarnissaminik qinnuteqartup suliaq aalajangiiffigineqartinnaagu allagaatinik suliassamut tunngasunik sapinngisamik takunnissinnaatitaanissaa, taamaammallu tamanna siunertaralugu aalajangersagaq inatsisissatut siunersuummi uani § 11-tut ilanngunneqarpoq. Aammali ilaatigut pisortatigut ingerlatsinerup tatiginartuunissaa pissutigalugu pingaartuuvortaag suliassami peqataasoq sapinngisamik piaartumik suliassamut tunngasunik ilisimatittassallugu.

Imm. 3-mi aalajangersagaq annertuneruskut naapertuuppoq inunnut tamanut isertuussinnginnissamik inatsimmi atortuusumi § 10, imm. 4-mut.

Aalajangersakkamili oqaaseqatigiit aappaanni malittarisassatut nutaatut siunnersuutigineqarpoq suliassami peqataasup allakkat assilinerinik nuutinnerinilluunniit tunineqartannnginnissaa allakkat pissusiisa, allakkat qassiussusiisa imaluunniit suliarinerisa tamanna pissutissaqarluartumik ajornartikkaangassuk.

Inatsimmi atortuusumi § 10, imm. 4, malillugu ileqqusutut isumaqarfigisariaqarunartoq naapertorlugu aalajangersagaq siunnersuutigineqartoq taanna taamaallaat tunngavissaqaalersitsivoq allakkat assilinerinik imaluunniit nuutinnerinik, suliassami peqataasup takussallugit pissusaaffigisaanik, tunniussinissap itigartitsissutiginnissaannut, tamatumunnga qulaatiinnarneqarsinnaangitsunik pissutissaqarsimappat. Taamaalilluni suliassami peqataasoq suliassamut tunngasut assilinerinik nuutinnerinilluunniit piniaruni qaqutigorsuaannaq itigartinneqartarsinnaavoq.

Allakkat pissusiinik pissuteqartumik itigartitsisarnissamut tunngatillugu aalajangersakkami eqqarsaatiginegarneruvoq allakkat takujumaneqartut nuutinnerisa inatsisinut akerliusumik atorneqaratarsinnaasarnerannik pissuqartarnera.

Allakkat qassiussusiinik pissuteqartumik itigartitsisoqartarsinnaasassaag aatsaat allakkat suliassamut ataatsimut tunngasut amerlalluinnaraangata. Tassa aalajangersagaq taanna atorneqarsinnaanngilaq oqartussaasut suliassami peqataasunit assigiinngitsunit suliassamut tunngasunik ilisimatinneqarnissamik saaffiginnissutinik amerlasoorpassuarnik, saaffiginnissutit ataasiakkaat eqqarsaatigalugit allagaatinik amerlasoorpassuarnik takujumasaganngitsunit, tigusaqarsimagaangata.

Inatsisissatut siunnersuummi § 10, imm. 1-imi pineqarput allagaannaviunngitsut aammali paasissutaasinnaasut allat soorlu assit, assilissat, kortit, titartakkat (pineqartumut paasissutissiaannaasut) assigisaallu. Aamma atortussat allat, soorlu misiligutit, najoqqutas-siat titartagaasut, båndimut immiussat, filmit assigisaallu, suliassap aalajangiiffigineqarnissaanut tunngaviusunut ilaasut suliassamullu tunngasunut allanut ilanngullugit toqqorneqarsimasut, allagaatitut inatsimmi pineqartunut ilaapput takujumaneqarsinnaasunullu ilaal-lutik. Allagaatit suliarineqarneri pillugit aalajangersakkami eqqarsaatigineqarneruvoq paasissutaasinnaasunik pineqartunik kopeerisinnaanngitsoqartarsinnaanera ima-luunniit kopeerinissap annertuumik ajornärtorsiutaasar-sinnaanera aningaasartuutaangaatsiartarsinnaaneraluun-niit.

Imm. 3-mi oqaaseqatigiit pingajuanni siunnersuutigineqarpoq Naalakkersuisut maleruagassaliussasut allakkat assilinerinut nuutinnerinullu akiliuteqartarnissaq pillugu.

Imm. 4-mi aalajangersakkat naapertuupput inunnut tamanut isertuussinnginnissamik inatsimmi atortuusumi § 8, imm. 1 malillugu atortuusutut isumaqarfigisariaqartumut, tak. § 11.

Suliassap suliarineqarnerani suliassamut tunngasunik ilisimatinneqarnissamik qinnuteqaat pillugu aalajangiisogarpap aalajangiinerlu taanna immikkut naammagittaalliutigineqarpap taava suliaq suliassap suliarineqartup

siulia unitsikkallartariaqassaaq suliami peqataasup suliamut tunngasunik ilumut ilisimasaqarsinnaatitaa-nerata paasilluarneqareernissanut. Tamanna naapertorlugu oqaaseqatigiit aappaanni aalajangersarneqarpoq inatsisissatut siunnersuummi § 11 taamaalluni atortuussa-  
soq.

Imm. 5-imi aalajangersagaq naapertuuppoq inunnut tamanut isertuussinnginnissamik inatsimmi § 8, imm. 1-imi immikkoortumut kingullermut.

#### § 17-imut:

Aalajangersagaq taanna periarfissaqalersitsivoq suliassami peqataasup aalajangiineq nalunaarutigineqareersoq piffissarli naammagittaalliuteqarnissamut killiussaq suli naanngitsoq suliamut tunngasunik ilisimasaqarumalluni qinnuteqarsinnaanera pillugu piffissap naammagittaalliuteqarnissamut killiliussap sivitsornissanut.

Taama sivitsortitsisoqareerneratigut suliamut tunngasunik ilisimasaqarnerujumalluni qinnuteqaat pissuteqarsinnaavoq suliami peqataasup saaffigisassamut qulliu-nerusumut saqqummiussisinnaatitaani aqqutigalugu aalajangigaasumik allanngortitsiniarnissaminik naliliinissaminut tunngavissarissaarnerulernissaminik kissaateqarneranik. Allanik aamma pissutissaqarsinnaavoq § 17 malillugu naammagittaalliornissamut killiliussamik atorunnaarsitsisarnerup nalinginnaasunngortinnissanut. Kisiannili naammagittaaliornermut killiliussamik atorunnaarsitsisarneq aatsaat tunngaveqarluarnerusinnaasarsinnaavoq suliamut tunngasunik ilisimasaqarnerujumalluni qinnuteqaat kinguneqartassappat suliami peqataasup allakkanik ilisimariikkaminut nutaanerulluinnartunik imaqartunik ilisimasaqalernissaanik. Inatsisissatut siunnersuummi uani suliami peqataasut isumaannik tusarniaasarneq pillugu aalajangersakkat atortinneqarnerisa kingunerissagunarpaat qaqutigunnaanerusoq taama pisoqartarnissaa.

§ 18-imut:

Inatsisissatut siunnersuummi § 18-imi aalajangersakkat imaraat qanoq pisoqartillugu ingerlatsinermut oqartussaasut namminneerlutik suliassami peqataasumik oqaaseqaateqartitsiniartarnissaat pillugu malittarisassat.

Imm. 1-imi aalajangersakkami erseqqissumik oqaatigineqarpoq oqartussaasut namminneerlutik suliame peqataasut isumaannik tusarniaasarnissaannik inatsimmi pingaarnertut maleruagassareqqusaq.

Taanna naapertorlugu oqartussaasut sulissutiginninneratigut oqaaseqaateqartussaataasussaq tassaavoq suliassami peqataasoq. Suliassami peqataasumik oqarnermi kina pineqartoq inatsimmi namminermi erseqqissarneqarnerunngilaq, paasineqassallunili ingerlatsineq pillugu inatsisini suliassami peqataasumik oqartarnej naapertorlugu aamma inunntut tamanut isertuussinnginnamik inatsimmi atortuusumi §§ 10 12-ilu tunngavigalugit oqaatsip taassuma qanoq isumaqartinneqaleriartorneranut naapertuutumik. Oqaatsimi tassani pineqarajupput kinaluunniit imaluunniit kikkulluunniit aalajangerneqartumik nalunaarfigineqartussat, kisiannili aamma inuinnaat inatsisinillu paasisimannittut allat suliame peqataasutut naatsorsuunneqarsinnaapput. Nalornisoornernik pisoqartillugu pingaartinnerusariaqarpoq inuit taakkua suliame soqutiginninnerisa qanoq annertutiginerat soqutiginninnerullu suliap inerneriumaagassaanut qanoq tunngatigina. Ingerlatsineq pillugu inatsimmi suliame peqataanermik oqartarnermi eqqarsaatigineqartunut tunngatillugu innersuussutigineqarsinnaapputtaaq inatsisissatut siunnersuummi § 9, imm. 1-imut nassuiaatit.

Inuup oqartussaasut suliame aalajangiineranni attorneqartup attorneqarumaartulluunniit suliassami peqataasariaqarneranik apeqgummi paaseqqaagassaq tassaavoq inuk taanna suliame tamatumalu inernerisassaanut ima soqutiginnitsigisimanersoq suliassap suliarineqarnerani piginnaatitaaffigiumasaasa ilaannut akuerisariaqarluni.

Imm. 1 malillugu tusarniaanissamut pisussaaneq atorne-  
garsinnaavoq aatsaat oqartussaasut isumaqarpata suliami  
peqataasup nalusimassagaa oqartussaasut paasissutissa-  
nik pineqartunik pigisaqarnerat. Aalajangersakkap tama-  
tuma oqaasertaliorneqarnera malillugu tusarniaasussaas-  
suseq atorneqassaaq suliami peqataasup paasissutissat  
tamakku nalungikkaluarpagilluunniit. Taamaaliornikkut  
suliami peqataasoq periarfissinneqassaaq paasissutis-  
sat, kukkusumik isumaqarluni oqartussaasut aalajangi-  
niarneranni tunngavigineqartunut ilaasorisimannginnami-  
git uniffigissallugit pissutissaqartinngisami, oqaase-  
qarfiginissaannut naqqinnissaannulluunniit.

Paasissutissat tusarniaanissamut pisussaalersitsisut  
assersuutigalugu tassaasinnaapput oqartussaasut inuin-  
narnit, pisortani oqartussaasunit allanit tamakkualuun-  
niit immikkoortoqarfiinit pissarsiarisimasaat, imaluun-  
niit tassaasinnaapput paasissutissat suliami peqataasup  
nammineq suliassamut allamut atugassatut oqartussaasu-  
nut taakkununnga nalunaarutigisimasai, suliamullu maan-  
nakkut suliarineqartussamut aalajangiinermut tunngavis-  
sanut ilanngussaasimanerat ilisimanngisai. Isumaqartu-  
artariaqartassaaq paasissutissap suliassap aalajanger-  
simasup aalajangiiffiginissaanut tunngavissanut ilan-  
ngunneqarsimanera suliami peqataasumit ilisimaneqarsi-  
manngitsoq, suliami peqataasup suliassamut tassunga  
atugassanngorlugu nammineerluni tunniussimanngippagu,  
imaluunniit pissutsit allat erseqqissumik paasinarsi-  
sinngippassuk paasissutissiissutit tamakkua aalajangi-  
niarnermi tunngavigineqartunut ilaasimanerat. Soorlu  
qinnuteqarnermi allattuiffissami assigisaaniluunniit  
allassimappat paasissutissat aalajangersumik taaneqar-  
tut suliassap aalajangiiffiginissaanut tunngavissatut  
pisortani oqartussaasut arlaanniit erseqqissumik taane-  
qartumit pissarsiariniarneqarumaartut, taava oqartus-  
saasut aalajangiisussaasut pisussaassanngillat paasis-  
sutissat tamakku pillugit suliassami pineqartut isu-  
maannik tusarniaasitsinissamut.

Suliassami peqataasumut tusarniaasussaassuseq aatsaat atornegassaaq paasissutissat suliassami pisimasuinnut suliassap aalajangiiffiginissaanut pingaaruteqavissunut tunngasuuppata.

Suliassami peqataasumut tusarniaasussaassuseq aamma aatsaat atornegassaaq paasissutissat suliassap aalajangiiffigineqarnerani suliassami peqataasumut tassunga iluaqutaasussaanngippata.

Oqartussaasut suliassami peqataasup sianiginngisaanik paasiniaasimanerat, suliassami peqataasup taassuma oqartussaasunut nammineerluni paasissutissiissutigisimaasa eqqortuunerannut imaluunnit tassunga ajoqutaanngitsumik eqqunnginnerannut paasissutissaannaasoq, suliassami peqataasunut tusarniaanissamik nassataqassanngilaq.

Ilaannikkut aalajangiinerup pissuserisaata kingunerisaanik aalajangeruminaattassaaq paasissutissiissutigineqartoq suliassami peqataasumut iluaqutaassannginnersoq. Taamaattarsinnaavoq soorlu aningaasat tunniussassat qanoq angitiginissaat aalajangerneqaraangat suliassami peqataasup atugai tunngavigalugit. Taama ittuni paasissutissat sulluunniit oqaatigineqarsinnaapput suliassami peqataasumut iluaqutaasussaannngitsutut, tassa paasissutissat allat kinguneqartussaassagaluar mata tunniussassat amerlanerutinneqarnerannik. Taamatut pisoqartillugu suliassami peqataasut isumaannik tusarniaaneq atornegartussaavoq. Tamatumunnga pissutaanerusoq tassaavoq oqartussaasuni suliarineqartumi suliassamut peqataasup nalinginnaasumik pisussaannginnera piumasarisamik aalajangersimasumik oqartussaasunut saqqummiussinissamut (piumasaqarnissamut). Ingerlatsinermulli oqartussaasut pisussaaffigaat isumagissallugu suliassap naammattumik paasinarsarneqarnissaa tamannalu tunngavigalugu aalajangiissallutik inatsisini tamatumunnga tunngavissareqqusaasut atorlugit. Taamaattumik suliassami peqataasoq periarfissinneqartariaqarpoq aalajangiinermut tunngaviusut naqqiiffiginissaannut, sapinngisamik



imminut iluaqutaanerpaasussaq anguneqarsinnaaqqullugu. Taamaaliortariaqarpoq naak aalajangiineq, aalajangerneqarumaartussaq paasissutissat suliami peqataasup ilisimangisai tunngavigalugit, oqaatigineqarsinnaassagaluartoq suliami peqataasup pissusissaq naapertorlugu qinutigisaanik akuersaarluarnerusutut. Ingerlatsivitsigut aalajangiisoqassatillugu ilaannikkut piumasagaateqartogartarpoq. Assersuutigalugu akuerineqarnissamik qinnuteqaat akuerineqarpat, kisiannili piumasagaatitaqartinneqartumik, piumasagaammullu tassunga pissutaappata paasissutissaviit oqartussaasut suliassami peqataasup sianiginngisaanik pissarsiarisimasai, taava aalajangiisoqartinnagu suliassami peqataasut isumaannik paasinaasoqassaaq. Akerlianilli piumasagaat pissuteqanngippat paasissutissanik taaneqartunik, pissuteqarlunili paasissutissanik suliassami peqataasup nammineq nalunaartigisimasaanik imaluunniit oqartussaasuni pigineqarnerat nalunngisaanik, suliassami peqataasut isumaannik tusarniaasoqassanngilaq.

Kiisalu imm. 1 malillugu suliassami peqataasut isumaannik tusarniaasoqarsinnaavoq taamaallaat paasissutissat suliassami peqataasumut tassunga iluaqutaasussaassanngippata. Tassa suliassani arlalinnit peqataaffigineqartuni ileqqussaannartut isigalugu suliassami peqataasunut tamanut tusarniaasitsisoqarsinnaanngilaq. Tusarniaasitsisoqartariaqarneranik apeqqut aalajangersagaq taanna malillugu peqataasunut tamanut tunngatillugu misissorluaqqaarneqartassaaq.

Oqaaseqatigiit pingajuanni aalajangersagaq malillugu oqartussaasut imm. 1 malillugu oqaaseqaateqarnissamut piffissamik killiliisinnaapput. Piffissaq killiliussaq tamatigut aalajangerneqartassaaq suliassami peqataasooq piffissaqarluarsinnaanngorlugu paasissutissanik pissarsiniarnissamut immaqalu oqallisissiornissamut. Piffissaq killiussaq qaangerneqarpat oqartussaasut pisussaatinneqassapput suliassami peqataasup oqallisissiaa utaqqinagu suliassami aalajangiinissaminnut.

Imm. 2-mi aalajangersakkap imarai oqartussaasut imm. 1 malillugu suliassami peqataasut isumaannik tusarniaasitsisussaanerannik atunngitsoortitsisinnaanerit assi-giinngitsut. Tamakkua saniatigut inatsisissatut siunnersuummi § 19-imi aalajangersarneqarput periaasissat immikkut ittut patsisissat assigiinngitsut taaneqartut patsisigalugit suliassami peqataasut isumaannik tusarniaasinnaanermut taarsiullugit atorineqartussat.

Nr. 1 malillugu suliassami peqataasut isumaannik tusarniaaneq atunngitsoorneqarsinnaavoq paasissutissat pissuserisaat suliassallu suussusia naapertorlugit tigumiarikkat tunngavigalugit suliame aalajangiinissaq nangaanartutut isumaqarfiginangippat. Aalajangersakkami tassani eqqarsaatigineqarnerupput tusarniaasernerit, naammattumik tunngavissaqanngitsut isumaqassalluni suliassap suliareqarnerani annertunerusumik paasissutissiissutigineqartut suliassami peqataasumit naqqiuteqarfigineqarsinnaasussatut taparserneqarsinnaasussatulluunniit, aammalu suliassap pissusia pissutigalugu isigineqarsinnaanngitsut pisariaqartoq tusarniaassuteqarfigissallugit. Paasissutissanut, pissarsiariumallugit tusarniaassutigisariaqanngitsunut, assersuutigalugit taaneqarsinnaapput inuit pineqartut inuui pillugit ministereqarfiup allagaataanit pineqarsinnaasut, inuup pineqartup ilaqutaqarneranut il.il. tunngasut inuiannullu kikkunntu atasuunera pillugit inuit nalunaarsorneqartarfiannit pineqarsinnaasut, aningaasarsiat akileraaruteqaataasussat, isumaginninnermi pisartakkat pillugit paasissutissat akileraartarnermut oqartussasunit pineqarsinnaasut, paasissutissallu allat pisortat oqartussaataitaannit pineqartussaanutik pissutigalugu tamakkununga naligitinneqarsinnaasut.

Aalajangersakkalli atorsinnaassusiannut aalajangiisus-susaaq unaannaanngilaq paasissutissiissutigineqartut eqqortuunerisa assortorneqarsinnaanerisa ilimagisariaqarnissaat. Nalilerniarneqartariaqarportaag suliassami peqataasoq periarfissaqarsorinarsinnaanersoq annertu-

nerusunik paasissutissiinermigut paasissutigineqartumik kimikillisisinnaasussatut suliassap aalajangiiffiginegarnissaani. Tassa tamanna pinerullugu suliassap suussusia naliliinermi ilannguttariaqarpoq. Pissutsilli tunngavigalugit suliassap suussusia naliliinermi immikkoortittariaqarpoq, pingaartumik aalajangiinissaq eqqarsaatigineqartoq suliassami peqataasumut. attuivalaassappat, soorlu inerteqquteqarnermik, peqqusiffiginnaanermik, pisussaaffigisanik arsaagaanermik il.il. kinguneqartussamik.

Imm. 2-mi aalajangersakkat malillugit suliassami peqataasut isumaannik tusarniaaqaarnissaq pinngitsoorneqarsinnaatillugu suliassami peqataasup piumasarisinnaavaa aalajangiinermut pissutaasumik ilisimatinneqarnissani, taamattaarlu tamatuma kingornatigut inatsisissatut siunnersuummi kapitalit sisamaanni malittarisassat malillugit piumasarisinnaallugu allakkanik suliambut tunngasunik ilisimatinneqarnissani. Suliami peqataasog isumaqaruni aalajangiinermut tunngaviusoq amigaateqarpallaartoq malittarisassat malillugit aalajangiineq atortussaajunnaarsinniarsinnaavaa ingerlatsinermut oqartussaasumut qulliusumut naammagittaalliummik tunniussaqaarnermigut, Inatsisartut ombudsmandiannut naammagittaalliummik tunniussaqaarnermigut imaluunniit suliap eqqartuussisunut suliassanngortinneratigut. Paasissutissat eqqortut nutaalluinnartut pissarsiarineqarsimappata tamannattaq tunngavissanngorsinnaavoq suliap ingerlatsinermut oqartussaasumit suliassanngorteqqinniarnegarnissaanut.

Nr. 2 malillugu suliassami peqataasut isumaannik tusarniaanissaq atortinneqanngitsoorsinnaavoq imm. 1 malillugu suliamik aalajangiinissap kinguartinneqarnissaata kingunerissappagu suliassap aalajangiiffiginegarnissaanut inatsisitigut aalajangerneqartumik killiliussap qaangerneqarnissaa.

Nr. 3 malillugu suliassami peqataasut isumaannik tusarniaanissaq atortinneqanngitsoorsinnaavoq peqataasup

taassuma suliassap aalajangiiffigineqarnissaata kingu-  
artinneqarnissaanik soqutiginninnera pisortat inuin-  
naalluunniit soqutigisaat taamatut kinguartitsinikkut  
ajoquserneqartussat pissutiginerullugit minnerutittari-  
aqartutut isumaqarfiginarpit. Aalajangersagaq taanna  
naapertuuppoq inunnut tamanut isertuussinnginnissamik  
inatsimmi atortuusumi § 11, imm. 2-mut, aamma § 12,  
imm. 3-mut.

Nr. 4 malillugu suliassami peqataasut isumaannik tusar-  
niaanissaq atortinneqanngitsoorsinnaavoq paasisutissat  
suliassami peqataasut isumaannik tusarniaasussaalersit-  
sisut suliame peqataasoq suliassamut tunngasunik ilisi-  
masaqartussaatinngippassuk naak ilisimatinneqarnissami-  
nik kissaateqaraluartoq. Suliassami peqataasut isumaan-  
nik tusarniaasarneq pillugu malittarisassat kinguneris-  
ariaqanngilaat suliassami peqataasup suliassamut tun-  
ngasunik ilisimasaqarsinnaaneranut inatsisitigut kil-  
liussat annertusineqarnissaat, taamaammallu suliassami  
peqataasut isumaannik tusarniaanissaq isumaqassanngi-  
laq. Atorfinitsitsinermut tunngasunik suliassat pillu-  
git inatsisissatut siunnersuummi § 10, imm. 2 tunngavi-  
galugu suliassami peqataasoq taamaallaat pisinnaatitaa-  
voq allagaatinik il.il. imminuinnag tunngasunik, kisalu  
qinnuteqartut allattorsimaffianniittunik, annertuneru-  
sumik paasisaqarnissamut.

Tamatuma kingunerisaanik suliassani taaneqartutut it-  
tuni suliassami peqataasut isumaannik tusarniaasartus-  
saaneq taamatut annertutigisumik killilernerneqartussaas-  
saq.

Nr. 5 malillugu suliassami peqataasut isumaannik tusar-  
niaanissaq atortinneqanngitsoorsinnaavoq aalajangiinis-  
sap eqqarsaatigineqartup inuit qanoq amerlatigineri i-  
lisimaneqanngitsut attortussaappagit, imaluunniit paa-  
sisutissanik peqataasunut saqqummiussineq annertuunik  
ajornartorsiutitaqassappat.

Aalajangersagaq taanna isigisariaqarpoq inatsisissatut  
siunnersuutip suliassami peqataasunik oqaatsimik assi-

giimmik tamani atuinera tunngavigalugu - oqaaseq taanna atorneqarmat apeqgutaatinnagu suliassami peqataasutut pisinnaatitaanermik atuisoqassappat suliassami peqataasup qinnuteqarsimanissaa, imaluunniit apeqgutaatinnagu suliassap suliarineqarnerani suliassami peqataasumik ilanngutitsiniartussat tasaanerat oqartussaasut. Pisariillisaanissamilli pissuteqartumik inuit suliassap suliarineqarnerani oqartussaasut namminneerlutik ilannguteqqusassaat killilertariaqartassapput. Tamatumunnga tunngatillugu pingaarnerusutut taaneqarsinnaavoq ingerlatsineq pillugu inatsimmi malittarisassat amerlanerpaartaat atorneqangimmata tamanut atortussanik peqqususinger pillugu suliassanut imaluunniit suliassanut tamanut tunngasutut pissuseqartunut.

Ingerlatsinermut tunngasut ilarpaaluini, tamakkunungalu ilanngullugu avatangiisit pillugit inatsisiluanani, takussutissaqartarpoq aalajangiinerup inummut atasiinnarmut tunngagaluartup annertuumik allanut sunniuteqarsinnaasarneranut. Assersuutigalugu fabrikkii akuerineqarpat suliaqarsinnaasoq silaannarmik mingutsissisunngortussamik, aalajangiineq taamaattoq sunniuteqartorujussuusinnaavoq eqqaamiusunut annerusumik minnerusumilluunniit aalajangersimanngitsunut; suussusii kikuussusiiluunniit erseqqissumik oqaatigineqarsinnaagajunngitsunut. Inuit tamakkua ilaat suliame taassumalu inernissaani ima annertutigisumik soqutigisaqalersinnaapput isigisariaqarlutik ingerlatsinermik inatsisini taamalu inatsisissamut siunnersuummi suliassami peqataasutut taaneqartunut ilaasutut. Taamatut pisoqartilugu nr. 5-imi aalajangersakkap kingunerisussaassavaa oqartussaasut inunnik taakkuninnga suliassami peqataasutut isigalugit suliame aalajangiisoqalertinnagu isumaannik tusarniaanninnissaat, paasissutissanik saqqummiussineq annertuunik ajornartorsiutitaqassappat.

Pingaartumik avatangiisit pillugit inatsisini pineqartunut tunngasuni aalajangiinermik eqqorneqartut naammagittaalliorsinnaatitaaneq pillugu malittarisassat an-

nertusineqarnerannik pissuteqartumik naammagittaallior-sinnaatitaasussanngussapput. Naammagittaalliuut naamagittaalliorsinnatitaasumit tunniunneqarpat taamaalilluni tunniussisooq taanna kinaassusersineqassaaq, taassumunga atorneqarsinnaajunnaarlugu atunngitsoortitsinisamik nr. 5-imi malittarisassaaq, imm. 1-imilu suliassami peqataasup isumaanik tusarniaanissaaq pillugu pingaarnertut malittarisassaaq tassunga atorneqartussaassaaq naammagittaalliuuteqarfissap naammagittaalliummik suliarinninnerani.

Nr. 5-imi aalajangersakkap kingunerissavaattaq oqartussaasut taamaallaat pisussaannissaat suliassami peqataasutut isumaannik tusarniaavigissallugit inuit ima erseqqitsigisumik kinaassusersineqartut, piumasarineqarsinnaassalluni oqartussaasunit suliassap suliarineqarnerani saaffigineqarnissaat.

Kiisalu nr. 5-imi aalajangersakkap kingunerissavaattaq oqartussaasut pisortani suliarineqartumi peqataasup erseqqissumik kinaassusersineqartup tusarniaaviginngissinnaanissaa, annertuunik ajornartorsiuteqarnani ornineqarsinnaanngippat najugaata sumiiffiatalu ilisimaneqannginnerat pissutigalugu.

Nr. 6-imi aalajangersagaq malillugu suliassami peqataasooq isumaanik tusarniaavigineqanngissinnaavoq inatsisigtigut immikkut aalajangersagaqarpat suliassami peqataasut imaluunniit soqutiginnittut allat suliassap suliarineqarnerani soqutigisaminnik sulissutiginnissinnaanissaannik.

Imm. 3-mi aalajangersakkap kingunerisassaasa ilagaat suliassaqarfinni, atunngitsoortitsisinnaanermik imm. 2, nr. 1-imi aalajangersakkap atorneqarfigisinnaasaani, aalajangiisooqartarsinnaanera suliassami peqataasut isumaannik tusarniaaqaartannginnissamik. Paasissutissat suunerat suliassallu imm. 2, nr. 1-imi aalajangersakkami pineqartutut isigineqarsinnaasut suunerat pillugu innersuussutigineqarput aalajangersakkamut tassunga siuliini nassuiaatit. Pisussaatsinermik imm. 3-mi

malittarisassaq tamatumunnga atatillugu ilaatigut sun-  
niuteqartumik atorneqartarsinnaassaaq suliassaq suli-  
arineqartussaagaangat qarasaasiat iluaqutigalugit.

Imm. 3-mi aalajangersakkap kingunerissavaattaq suliassaqarfinni, atunngitsoortitsisinnaanermik imm. 2, nr. 5-imi aalajangersakkap atorneqarfigisinnaasaani, aalajangiisoqartarsinnaanera suliassami peqataasut isumaannik tusarniaaqaartannginnissamik. Imm. 2, nr. 5-imi aalajangersakkap qanoq annertutigisumik atorneqarsinnaanera pillugu innersuussutigineqarput aalajangersakkamut tassunga siuliini nassuiaatit.

#### § 19-imut:

Inatsisissatut siunnersuummi § 19-imi aalajangersakkap imaraa oqartussaasut suliame aalajangiisoqartinnagu suliassami peqataasut isumaannik tusarniaasussaanerisa atunngitsoortinneqartarsinnaanerat.

Imm. 1-imi aalajangersakkami taaneqarpoq suliassami peqataasup isumaannik tusarniaaqaanngissinnaanermut tunngaviusumik patsisigisassaq.

Aalajangersagaq taanna malillugu suliassami peqataasup isumaannik tusarniaanissaq atunngitsoorneqarsinnaavoq aatsaat oqartussaasut suliassami peqataasup qinnuteqarneratigut aalajangeriigaasumik allanngortitsisinnaagaangata. Aalajangersakkamut tunngavigineqarput ingerlatsinermi aalajangiinernik allanngortitsisarneq pillugu malittarisassat. Malittarisassat tamakku malillugit oqartussaasut suliame aalajangiisut suliame peqataasumit qinnuigineqarnertik malillugu aalajangeriigaasoq aalajangiinermut tunngavippiaasut pillugit nutaamik paasissutissanik saqqummersoqarpat tamatigut ileqqusussatut allanngortisinnaassavaat suliame peqataasumut iluaqutaasussamik. Taamaattoqartillugu oqartussaasut aalajangiineq allanngortissinnaasassavaat aalajangeeqqaarnerup ulluanit atuuttussanngorlugu. Suliame peqataasup qinnuteqarneratigut aalajangeriigaasumik allanngortitsisinnaanissamut patsisissaasunut ilaagajuttar-



nertusineqarnerannik pissuteqartumik naammagittaallior-sinnaatitaasussanngussapput. Naammagittaalliuut naamagittaalliorsinnatitaasumit tunniunneqarpat taamaalilluni tunniussisoq taanna kinaassusersineqassaaq, taassumunnga atorneqarsinnaajunnaarlugu atunngitsoortitsinisamik nr. 5-imi malittarisassaaq, imm. 1-imilu suliassami peqataasup isumaanik tusarniaanissaaq pillugu pingaarnertut malittarisassaaq tassunga atorneqartussaasaaq naammagittaalliuuteqarfissap naammagittaalliummik sularinninnerani.

Nr. 5-imi aalajangersakkap kingunerissavaattaq oqartussaasut taamaallaat pisussaannissaat suliassami peqataasutut isumaannik tusarniaavigissallugit inuit ima erseqqitsigisumik kinaassusersineqartut, piumasarineqarsinnaassalluni oqartussaasunit suliassap sularineqarnerani saaffigineqarnissaat.

Kiisalu nr. 5-imi aalajangersakkap kingunerissavaattaq oqartussaasut pisortani sularineqartumi peqataasup erseqqissumik kinaassusersineqartup tusarniaaviginngissinnaanissaa, annertuunik ajornartorsiuteqarnani ornineqarsinnaanngippat najugaata sumiiffiatalu ilisimaneqannginnerat pissutigalugu.

Nr. 6-imi aalajangersagaq malillugu suliassami peqataasooq isumaanik tusarniaavigineqanngissinnaavoq inatsisittigut immikkut aalajangersagaqarpat suliassami peqataasut imaluunniit soqutiginnittut allat suliassap sularineqarnerani soqutigisaminnik sulissutiginnissinnaanissaannik.

Imm. 3-mi aalajangersakkap kingunerisassaasa ilagaat suliassaqarfinni, atunngitsoortitsisinnaanermik imm. 2, nr. 1-imi aalajangersakkap atorneqarfigisinnaasaani, aalajangiisoqartarsinnaanera suliassami peqataasut isumaannik tusarniaaqqartannginnissamik. Paasissutissat suunerat suliassallu imm. 2, nr. 1-imi aalajangersakkami pineqartutut isigineqarsinnaasut suunerat pillugu innersuussutigineqarput aalajangersakkamut tassunga siuliini nassuiaatit. Pisussaatsinermik imm. 3-mi

malittarisassaq tamatumunnga atatillugu ilaatigut sunniuteqartumik atorneqartarsinnaassaaq suliassaq suliarineqartussaagaangat qarasaasiat iluaqutigalugit.

Imm. 3-mi aalajangersakkap kingunerissavaattaq suliassaqarfinni, atunngitsoortitsisinnaanermik imm. 2, nr. 5-imi aalajangersakkap atorneqarfigisinnaasaani, aalajangiisoqartarsinnaanera suliassami peqataasut isumaannik tusarniaaqqartannginnissamik. Imm. 2, nr. 5-imi aalajangersakkap qanoq annertutigisumik atorneqarsinnaanera pillugu innersuussutigineqarput aalajangersakkamut tassunga siuliini nassuiaatit.

#### § 19-imut:

Inatsisissatut siunnersuummi § 19-imi aalajangersakkap imaraa oqartussaasut suliame aalajangiisoqartinnaagu suliassami peqataasut isumaannik tusarniaasussaanerisa atunngitsoortinneqartarsinnaanerat.

Imm. 1-imi aalajangersakkami taaneqarpoq suliassami peqataasup isumaannik tusarniaaqqaanngissinnaanermut tunngaviusumik patsisigisassaq.

Aalajangersagaq taanna malillugu suliassami peqataasup isumaannik tusarniaanissaq atunngitsoorneqarsinnaavoq aatsaat oqartussaasut suliassami peqataasup qinnuteqarneratigut aalajangeriigaasumik allanngortitsisinnaangaangata. Aalajangersakkamut tunngavigineqarput ingerlatsinermi aalajangiinernik allanngortitsisarneq pillugu malittarisassat. Malittarisassat tamakku malillugit oqartussaasut suliame aalajangiisut suliame peqataasumit qinnuigineqarnertik malillugu aalajangeriigaasoq aalajangiinermut tunngavippiaasut pillugit nutaamik paasissutissanik saqqummersoqarpat tamatigut ileqqusussatut allanngortisinnaassavaat suliame peqataasumut iluaqutaasussamik. Taamaattoqartillugu oqartussaasut aalajangiineq allanngortissinnaasassavaat aalajangeeqqaarnerup ulluanit atuuttussanngorlugu. Suliame peqataasup qinnuteqarneratigut aalajangeriigaasumik allanngortitsisinnaanissamut patsisissaasunut ilaagajuttar-

portaaq allanngortitsinerup suliami peqataasunut allanut ajoqutaannginnissaa. Tamatuma pingaartumik kingunerissavaa aalajangersakkap atorneqannginnissaa suliami peqataasut marluk arlallilluunniit aaqqiagiingissutaat aalajangiiffiginarlugit suliani. Aalajangersagaq taanna atorneqartassanngilartaag suliani, suliami peqataasuiunngitsut allat, soorlu qinnuteqartut, suliami peqataasutut naatsorsuunneqarfigisaanni. Taamaalilluni aalajangersagaq taanna assersuutigalugu atorneqarsinnaasassanngilaq illuliortarneq pillugu inatsisinik sarnioqqutsisinnaaneq pillugu suliani illuliorfissamut eqqaamiusoq suliami peqataasutut naatsorsuunneqartussaatilugu. Suliamili aalajangiineq inummut allamut (pingajuusumut), suliami peqataasutut naatsorsuussaangitsumut, sunnuteqartussaatilugu aalajangersakkap taassuma atornissaanut akornutissaqassanngilaq.

Piomasarisat tamakku naammassineqarsimagaangata oqartussaasut suliami peqataasup isumaanik tusarniaaqqaar-natik aalajangiisarṣinnaapput, suliap pissusia suliamilu peqataasoq nammineq pissutigalugit qularisariaqanngikkaangat aalajangiineq ilaqartinneqarumaartoq paasissutissanik, suliami peqataasup § 18-imi aalajangersagaq malillugu ilisimareersimasassaraluinik.

Suliassami peqataasut isumaannik tusarniaanginnissap suliassap pissusia suliassamilu peqataasoq nammineq pissutigalugit nangaanartoqartinnginnissaanik piomasarisap kingunerissavaa atunngitsuuinissamik aalajangersakkap atorneqannginnissaa suliassami peqataasup ajoqusigaanissaa siunertaralugu suliani. Taamaalilluni atunngitsuuinissamik malittarisassaq atorneqarsinnaanngilaq inerteqquteqarnissamik imaluunniit peqqusiffi-ginninnissamik, akuersissutaasumik atorunnaarsitsinissamik nalunaaruteqarnissamik suliani, imaluunniit suliassami peqataasup kiffaanngissuseqarneranik imaluunniit pisussaaffeqarneranik attuinissamik suliani. Malittarisassap atorneqarfiginerusartagassai taassaalissapput suliassat annertoorpasuit, imaqartut suliassami peqa-

taasup iluaquserneqarnissaminik, aningaasanik pissarsis-  
sinneqarnissamut tunnganerusunik, oqartussaasunut qin-  
nuteqaataanik. Suliassani taamaattuni suliassami peqa-  
taasup soqutiginerpaasartussaassavaa saqqummiunneqar-  
tut, immaga naammalluinnangikkaluartut, tunngavigalu-  
git aalajangiisoqartarnissaa, kingunegartussamik piaar-  
tumik aningaasanik pisassarisaminik taakkualuunniit i-  
laannik tunineqarnissaminik, sinneri kingusinnerusukkut  
tunniunneqarsinnaanngorlugit, tamanna ajunnginnerutil-  
lugu suliameqataasup tusarniaavigineqarnissaa utaq-  
geqqaarlugu aningaasanik - pissaqartinneqassaguni- pis-  
sarsisinneqarnissaminit.

§ 19, imm. 1-imi aalajangersagaq, atunngitsuuinissamik  
§ 18, imm. 2, nr. 1-imi aalajangersakkap paarlattuanik,  
paasissutissat suliassami peqataasup isumaanik tusarni-  
aanngitsoornissamut pissutaasinnaasut qanoq ittuunis-  
saannut killiliissutaasunik imaqaanngilaq. Taamaalilluni  
§ 19, imm. 1-imi aalajangersagaq malillugu suliassami  
peqataasup isumaanik tusarniaanissaq pinngitsoorneqar-  
sinnaassaaq aamma pissusiviusunik inuinnarnit paasissu-  
tissiissutigineqartussat eqqarsaatigalugit, soorlu paa-  
sissutissat attartortitsisumit pisut ineqarnermut ta-  
piissuteqartarnermut atugassat imaluunniit paasissutis-  
sat sulisitsisumit pisut isumaginninnermut inatsisit  
malillugit aningaasanik pisartagaqartitsinissamik suli-  
amut atugassat, suliameqataasup isumaanik tusarni-  
aaqqaartannginnissamut patsisissaatitat naammassineqar-  
simagaangata. Aalajangersagaq tamakkunungattaq ator-  
poq, naak oqartussaasut ilimagisinnaagaluarat suliame-  
peqataasup paasissutissanik tamakkuninnga naqqissuisin-  
naanissaa tapersiutaasunilluunniit oqaaseqarfiginnin-  
nissaa imaluunniit suliap aalajangiiffiginissaanut pi-  
ngaarutaannik annikillisitsisinnaanissaa.

Imm. 2-mi aalajangersagaq malillugu oqartussaasut su-  
liassami peqataasup isumaanik imm. 1 naapertorlugu tu-  
sarniaaqqaartussaatinngit aalajangiinnermik nalunaaru-  
teqarnermut peqatigitillugu suliameqataasooq ilisi-

matittassavaat suliap nangitseqqinniarneqarsinnaaneranik. Oqartussaasut nangitsitseqqinniarnissamut killiliussamik aalajangiisinnaapput.

§ 18-imut innersuussinerup ilaatigut kingunerissavaa aalajangersagaq taanna malillugu oqartussaasut suliami peqataasut isumaannik tusarniaasussanngortitaasimatinagit aamma § 19-imi aalajangersakkap malinnissaanut pisussanngortitsisoqarsinnaannginnera, ilaatigullu kingunerissallugu paasissutissarpiaasut suliami peqataasumut saqqummiunneqartussat § 19 malillugu killilernerqarsinnaanerat § 18-imi killiliinertut.

Imm. 1-imut nassuiaatini matuma siuliiniittuni taaneqartutut aalajangersagaq taanna kinguneqartussaangilaq oqartussaasut aalajangeriikkamik allanngortitsisinnanerata annertusisinnissaanik. Akerlianik aalajangersakkap imm. 1-imi aalajangersakkamisut suliami peqataasup isumanik tusarniaasoqarsimanngippat oqartussaasut pisussanngortissavai suliamik piviusumik suliarinneqqinnissaanut, tamanna suliami peqataasup kissaatigippagu saqqummiussaqarlunilu paasissutissanik suliaassap aalajangiiffiginissaanut annertuumik pingaaruteqartunik.

Inatsisissatut siunnersuummi § 20-mi aalajangersagaq ataasiakkaanik allanngortitaalluni annertunerusutigut naapertuuppoq inunnut tamanut isertuussinnginnissamik inatsimmi atortuusumi § 12-imut. Imm. 2, nr. 3-mi aalajangersakkami erseqqissarneqarpoq suliaassami peqataasup qinnuteqarnera malillugu suliami peqataasup isumaanik tusarniaanissamik imm. 1-imi aalajangersagaq atorneqasannngimmat inatsisitigut immikkut aalajangersagaqarpat peqataasup aalajangiineq pitinnagu oqaaseqaateqartinneqarnissaanut pisussaalersitsisunik. Tamanna naapertuuppoq inunnut tamanut isertuussinnginnissamik inatsimmi atortuusumi § 12 malillugu oqartussaasut suliffii periaasiusartutut atortuusutut isigisariaqartunut.

## Kapitali 6-imut

Inatsisissatut siunnersuummi §§ 21-mit 23-mut aalajangersakkat imaraat tunngavigisat imarisaallu pillugit aalajangersakkat.

Tamatumunnga atatillugu inatsisissatut siunnersuummi § 35 imaqarpoq aalajangersakkamik, taannalu malillugu inatsisini allani aalajangersakkat imaluunniit inatsimik tunngaveqartumik aalajangersakkat tunngavigineqartup imarisaata inatsisissatut siunnersuummi § 23-mi pineqartunit sukannernerunissaannik piumasagartut atortinnarneqassapput. Kingulleq taanna atorneqarnerusaasaq sulianut oqartussaasunit "aalajangiinikkut" aalajangiiffigineqartunut. Inatsisissatut siunnersuummi § 23-p § 35-mut naleqqiullugu nassatarissavaattaq § 23-p, tunngaviliinissamik aalajangersakkat imarisaat apeqqutaatinnagit, tasaanissaa tunngavigisat imarisaasaannut piumasagaat minnerpaaq.

Inatsisitigut malittarisassaqaqpat aalajangiinerit aalajangiiffigineqartumik tapersiisuulluinnartut tunngaviusunik ilaqartinneqassasut, aalajangersakkat taamaattut atortinnarneqassapput aalajangiinerit aalajangiiffigineqartumik tapersiisuulluinnangitsut tunngaviusunik ilaqartinneqartarnissaannik malittarisassatut maanna siunnersuutigineqartup saniatigut.

### § 21-mut:

§ 21-mi aalajangersakkami imm. 1-ip imaraa aalajangiinerup allakkatigut nalunaarutigineqartup peqataasumik aalajangiiffigineqartumik tapersiisuulluinnangikkuni aalajangiinermut tunngaviusumik ilaqartinneqartarnissaannik nalinginnaasumik malittarisassaq.

Aalajangersagaq taanna malillugu aalajangiineq pillugu allakkatigut nalunaarutigineqartoq kisimi (aalajangiinermut) tunngaviusumik ilaqartinneqartassaaq. Tassa taamaalilluni suliame pisimasuik pillugu aalajangiineq kisimi tamatumunnga tunngaviusumik ilaqartinneqassaaq. Taamaattumik saqitsaassutaasinnaasunik aalajangiinerit

suliassallu sularinerata aagqissuunneranut atasumik immikkut iliuuserineqartut allat tunngavilersuisussaa-titsinermi pineqanngillat, immikkut ittumik naammagittaaliuutigineqarsinnaatitaanngikkunik.

Pisariaqartinneqarpoq erseqqissassallugu tunngaviusumik taasaqarnissaq pinngitsoorneqarsinnaasoq aalajangiineq aalajangiiffigineqartumut tapersiisuulluinnarsimappat. Tamatumunnga pissutaaneruvoq taama ittuni aalajangiinermut tunngaviusumik taasaqarnissap amerlanertigut ingasattumik qalleqqissaaneruinnartarnissaa. Suliami peqataasut arlaliuppata tapersigaanngitsoq, imaluunniit tamakkiisumik tapersigaanngitsoq, aalajangiinermut tunngaviusumik nalunaarfigineqassaaq.

§ 21-mi aalajangersagaq atorineqassaaq taamaallaat aalajangiinernut allakkatigut nalunaarutigineqartunut. § 22-mili aalajangersagaq malillugu aamattaq aalajangiinernit oqaasiinnakkut nalunaarutigineqartut sumik tunngaveqarnerat nalunaarutigeqquneqarsinnaavoq. Taanna pillugu innersuussutigineqarput aalajangersakkamut tassunga nassuiaatit.

#### § 22-mut:

Imm. 1 malillugu aalajangiinermik oqaasiinnakkut nalunaarfigineqartup piunasaqarsinnaavaa aalajangiinermut tunngaviusup allaganngorlugu pinissaa, aalajangiinikkut taperserneqarluinnarsimanngikkuni. Aalajangersakkamut tassunga naleqqiunneqassaaq § 21-mi aalajangersagaq, tassani allassimammatt aalajangiineq suliami peqataasumut tapersiisuulluinnanngitsoq allakkatigut nalunaarutigineqaruni aalajangiinermut tunngaviusumik ilaqartinneqassasoq.

Ingerlatsinermut tunngasumik suliani peqataasut suliap aalajangiiffigineqarnera pillugu ullumikkut amerlanertigut allakkatigut nalunaarfigineqartarput. Ilaannili suliap pissusia imaluunniit pisortatigut ingerlatsivimmi ileqqusoq malillugu aalajangiineq aalajangiiffigineqartumut oqaasiinnakkut nalunaarutigineqartarpoq.



Assersuutigalugu avatangiisinut oqartussaasut annertuumik mingutsitsisoqarnissaa pinngitsoorniarlugu peqqusut inerteqqulluunniit erniinnarluinnaq malinneqartusaq oqaasiinnakkut nalunaarutigisarpaat, taamali pisoqartillugu aamma aalajangiinermut tunngaviusoq nalunaarutigisinnaasariaqarpoq. Taamaattumik siunnersuutiginearpoq aalajangiinermik oqaasiinnakkut nalunaarfigineqartup piumasarisinnaagaa aalajangiinermut tunngaviusumik allakkatigut ilisimatinneqarnissani. Tamannali pisariaqangilaq aalajangiineq aalajangiiffigineqartumut tapersiisuulluinnarsimappat.

Inatsisissatut siunnersuutikkut siunertarineqangilaq aalajangiinermik oqaasiinnakkut allakkatigulluunniit nalunaaruteqartarnermi ingerlatsinermut oqartussaasuni periaaserineqartumik allangortitsinissaq. Imm. 1-imi aalajangersakkap kingunerissavaa suliameqataasup aalajangeereertoqartillugu aalajangiineq pillugu allakkatigut nalunaarfigineqarnissaminik piunasaqarsinnaanera. Tamannali ullumikkut atortooreersinnaavoq ingerlatsinermi ileqquulluartunut ersiutaalluni, taamaattumillu suliameqataasooq § 22, imm. 1-imi aalajangersakkap kingunerisaanik mattunneqarsinnaangilaq ullunut 14-inut killiussap qaangiunneratigut aalajangerneqartoq allaganngorlugu piunallugu piunasaqarsinnaanisaminut.

Pissutissaqarsinnaavortaaq erseqqissassallugu imm. 1-imi aalajangersakkap kingunerisussaangimmagu aalajangiinerup inatsisitigut sunniutigisassaasa kinguartinneqarnissaat. Malittarisassat tamatumunnga tunngasut malillugit aalajangiineq inatsisit malillugit sunniuteqartussaasimappat aalajangiinerup oqaasiinnarmik nalunaarutigineqarneraniit, tamanna allangortinneqarsinnaangilaq suliameqataasup aalajangiiffigineqartup aalajangiinermut tunngaviusumik allakkatigut nalunaarfigineqarnissani piunasarigaluarpaguluunniit Aalajangiinermut tunngaviusumik qinnuteqaat imm. 1-imi oqaaseqatigiit pingajuat malillugu saqqummiunneqassaag

aalajangiinermik nalunaarutip suliami peqataasumit tiguneqarnerata kingornagut ullut 14-it qaangiutsinnagit. Aalajangiinermik nalunaarummi sapinggisamik tamakkerniarlugit issuarlugit ilanngunneqassapput aalajangiineqarmat tunngaviusut ilaat annertuumik pingaartinneqartut. Piumasarisaq tamanna ajornannginnerpaamik naammassineqarsinnaavoq tunngaviusut tamakku allanneqarpata aalajangiisoqarsimatsiaannartoq, naammassinissaa ajornarnerulissammat allassagaanni aalajangiineq qaangiutikatareersoq. Taamaattumik ajunnginnerusorineqanngilaq ingerlatsinermut oqartussaasut aalajangiinernut, suliami peqataasunut kingusiinnarsuarmik nalunaarutigineqartunut, tunngaviusunik nalunaaruteqartarnissaat. Taamaattumik suliami peqataasup aalajangiinermut tunngaviusumik ilisimatinneqarnissaminik qinnuteqaanni saq-qummiuttariaqarpaa suliap pineqartup suliarineqarnerani aalajangiiffigineqarneranilu peqataasumit eqqaamaneqarluarsinnaagallarnerani.

Tunngaviusup allaganngorlugu nalunaarutigineqarnissainik qinnuteqaat imm. 2 malillugu sapinggisamik piaartumik akineqassaaq. Qinnuteqaat oqartussaasumit akissuteqartussamit tiguneqarluni (piaartumik akineqanngippat) oqartussaasup taassuma suliami peqataasoq tamatumunnga pissutaasumik kiisalu qinnuteqaatip qaqugu akineqassanngatinneranik nalunaarfigissavaa.

Imm. 2-mi aalajangersakkakut siunertarineqartut ilagaat suliami peqataasup aalajangiinermut tunngaviusumik tusarlerneqalertornissaminik kissaateqarnerata naammassilertorneqartarsinnaanissaa. Sivikitsumik piffissalivneq pingaaruteqarsinnaavortaaq aalajangiinermut tunngaviusut eqgornerusumik oqaatiginissaannut, soorlu tamanna taaneqartoq imm. 1-imi, oqaaseqatigiit pingajuanni, aalajangersakkamut nassuiaatini makkua siuliiniittuni.

#### § 23-mut:

Inatsisissatut siunnersuummi § 23-mi aalajangersakkat imaraat aalajangiinermut tunngaviusup imarisassaasut

piumasarineqarsinnaasut pillugit maleruagassat erseq-  
ginnerusut.

Tunngaviusooq nassuiaataassaaq aalajangiinerup sooq taa-  
ma imaqarneranut.

Tunngaviusup, aalajangigaaq pillugu nalunaarutigineqar-  
tussap, oqartussaasunit qanoq erseqqissarneqarluartigi-  
sariaqarnera eqqoqqissaartumik allaaserineq ajornarpoq.  
Akissutissap qanoq ittuunissaanut ilaatigut aalajangi-  
suusariaqarpoq suliameqataasup akineqartussap suli-  
assap sularineqarnerani suliallu pissusianut qanoq su-  
legataalluartigisimanera. Taamaattumik aalajangersakka-  
ni killilerneqarput (aalajangiinermut) tunngaviusumi  
nalunaarummi ilanngunneqartussat. Aalajangersakkat im-  
mikkut inatsisilianiittut, suliameqataasut immikkut ittut pillu-  
git tunngavilersuuteqartussaaneermut erseqqissumik pi-  
sussaalersitsisut, imaqarajunngillat tunngavilersuutip  
imarisassai pillugit peqqussutinik erseqqissakkanik,  
inatsisissatullu siunnersuummi tamanna pillugu aalaja-  
ngersakkat ilaatigut immerneqartariaqarput periaaseq  
tamakku pillugit suliassallu inatsisitigut aalajangi-  
gaanngitsut pillugit atornegaleriartortoq atorlugu.

Aalajangiinerit naammagittaalliuteqartarfimmit aalaja-  
ngerneqarsimappata aalajangiinermut tunngaviliusaaq  
pissutsit najoqqutaralugit imaqartinneqarsinnaavoq aa-  
lajangiinermut tunngaviusumut, oqartussaasunit aalaja-  
ngiinerat naammagittaalliutigineqartumut, nalunaaruti-  
gineqartumut innersuussinermik.

Kapitali 6-imut nassuiaatini makkua siuliiniittuni taa-  
neqartutut inatsisissatut siunnersuummi § 23-kkut ta-  
pertalerneqarput tunngavilersornissaaq pillugu maleruag-  
gassat, taamaalilluni aalajangikkanut tunngavilersuuti-  
gineqartut minnerpaamik naammassisimassallugit aalaja-  
ngersaaq una malillugu piumasarineqartut.

Imm. 1 malillugu tunngavilersuut siullermik imaqassaaq  
aalajangerneqartoq pillugu inatsisini tunngavigineqar-  
tumut innersuussummik.

Amerlanertigut inatsisitigut maleruagassamut imaluun-

niit oqartussaasuni sulisunit aalajangersagaasumut, pi-sariaqarpat oqaasertai issuarlugit, innersuussineq naammattassaaq. Aalajangiinermulli malittarisassat atornegartut isumaasa nassuiagaanerat tunngavigineqarsimappat tamakkua imarisaannut nassuiaat ilannguttariaqarpoq, nalinginnaasumilli pisariaqassanani nassuiaatinut uppernarsaatissaasunik piumasagarnissaq. Malittarisassat atortuusut malillugit aalajangiinermut taamaasorinninnerinnaq tunngavigineqarsimappat tunngavilersuummi taaneqassapputtaaq pingaarnertut isumagisat taamaasorinninnermut aalajangiisuusimasut. Taaneqartunut tunngatillugu allatut iliorsinnaanngikkaanni naammassinnaavoq innersuussutigissallugu periaaserisagaq, tamatumunnga nassuiaataasut kikkunnilluunniit atuarneqarsinnaagaangata.

Imm. 2 malillugu tunngaviusumik nalunaarummi pisariaqarpat naatsumik erseqqissarneqassapputtaaq paasissutissat suliame pissusiviusunut tunngasut, aalajangiinermi annertuumik pingaartinneqartut. Oqartussaasut suliassami pisimasuit pillugit isumaat qanoq annertutigisumik erseqqissarneqartariaqarnerisq isummerfigisagaanni ilaatigut paaseqqaartariaqarpoq tamanna isumaqatigiinngissutaasimannginnerisq, kiisalu aamma suliame peqataasq tamatumunnga ilisimasagareersimannginnerisq, soorlu suliassamut tunngasunik ilisimatinneqarnissaminik qinnuteqaatimi siusinnerusukkut akuerineqarneranut atasumik.

Imm. 3-mi aalajangersakkap siullermik kingunerissavaa suliassami peqataasup aalajangiinermut tunngavilersuut aqputigalugu ilisimasagalersinnginnissaa paasissutissanik il.il., peqataasunut isertuussinnginnissaq pillugu maleruagassanit atunngitsuuisitsisarnissamik aalajangersakkani pineqartunut ilaasunik, suliame peqataasq suliassamut tunngasunik ilisimatinneqarnissaminik qinnuteqarsimappat. Aalajangersakkap taassuma kingunerisassaasa tulleraat tunngavilersuuteqartussaasut-sip aamma tamatuma saniatigut killilerneqarsinnaanera

imaluunniit pissutsit tunngavialugit atunngitsoorneqar-  
sinnaanera, suliame peqataasup tunngaviusumik paasitin-  
neqarnissaminik piunasaqarsinnaanera eqqarsaatigillu-  
areerlugu inuinnaat allat pisortalluunniit soqutigisaat  
inatsisissatut siunnersuummi § 15-imi taaneqartut pis-  
sutiginerullugit minnerutittariaqartutut isumaqarfigi-  
narpat.

#### Kapitali 7-imut.

Inatsisissatut siunnersuummi §§ 24-mi 25-milu aalaja-  
ngersakkat imaraat naammagittaalliornissamut ilitser-  
suinissaq aamma eqqartuussisunut suliassanngortitsiso-  
qassapat piffissaliisarneq pillugit ilitser-suinissaq  
pillugu maleruagassat.

#### § 24-mut:

Aalajangersakkami tassani taamaallaat pineqarpoq inger-  
latsinermut oqartussaasunut allanut naammagittaallior-  
sinnaanermik ilitser-suineq (aalajangikkamik qulliuneru-  
sumut suliassanngortitseqqinneq). Aalajangersagarli  
taanna naapertorlugu oqartussaasut immineerlutik pisa-  
saanngillat kommunimi oqartussaasunut nalinginnaasunut  
imaluunniit immikkut nakkutilliisutut oqartussaasunut  
saaffiginnissinnaaneq pillugu imaluunniit naammagit-  
taalliummik inatsisartut ombudsmandiannut tunniussa-  
qarsinnaaneq pillugu ilitser-suisarnissamut. Nalingin-  
naasumilli ilitser-suisussaassuseq ingerlatsinermut o-  
qartussaasunut tamanut atortuusooq naapertorlugu oqar-  
tussaasut periarfissat tamakku pillugit innuttaasunut  
paasisitsiniaasassapput tamanna pisariaqarsorinaraa-  
ngat, kiisalu pisariaqaraangat periaasissat erseqqin-  
nerusut pillugit innuttaasunut ilitser-suisassallutik.  
Imm. 1 malillugu aalajangiinerit suulluunniit oqartus-  
saasunut allanut naammagittaalliutigineqarsinnaasut  
naammagittaalliortarnermut ilitser-suummik ilaqartinne-  
qartassapput. Tamatumani apeqqutaanngilaq naammagit-  
taalliorsinnaaneq inatsisini tunngavissaqartitaanersooq

imaluunniit aalajangikkamik qulliunerusumut suliassanngortitseqqittarneq pillugu maleruagassanik nalinginnaasunik inatsisitigut aalajangigaanngitsunik tunngaveqaannarnersoq. Naammaagittaalliornissamut ilitersuisoqartassaaq taamaallaat aalajangiisoqaraangat ingerlatsinermut oqartussaasunut qulliunerusunut ingerlaannartumik naammagittaalliuutigineqarsinnaasunik. Taamaattumik aalajangiinerit suliassap piareersarneranut namminermut atasumik aalajangerneqartut taamaallaat naammagittaalliortarnermut ilitersuummik ilaqartinneqartasapput aalajangiineq immikkut naammagittaalliuutigineqarsinnaagaangat.

Aalajangersagaq pineqartoq naapertorlugu naammagittaalliortarnermut ilitersuummi nalunaarsimassaaq oqartussaasut kikkut naammagittaalliornermi saaffissaanersut, kiisalu erseqqinnerusumik nalunaarsimassaaq qanoq periaseqarnissaaq, soorlu naammagittaalliuut nassiunneqassanersoq oqartussaasut aalajangiisooqqaartut aqqutigalugit, immaqalu ilanngunneqarsinnaallutik paasissutisat allat naammagittaalliuutip suliarilertorneqarnisaanut iluaqutaasinnaasut. Naammagittaalliortarnermut ilitersuutikkut aammattaq pisariaqarneratut annertutigisumik paasissutissiisutigineqartassaaq suliami pineqartumi naammagittaalliummik tunniussiffigineqartussap oqartussaassusiligaanera immikkut killiliiffigineqarsimanersoq.

Aalajangersagaq siunnersuutigineqartoq malillugu naammagittaalliornissamut ilitersuut tunniunneqassaaq aalajangikkap nalunaarutigineqarneranut atasumik. Taamaattumik naammagittaalliornissamut ilitersorneqartasapput taamatut nalunaarfigineqartut tamarmik. Aalajangiineq naammagittaalliornissamut pisussaannngitsunut nalunaarutigineqarpat, naammagittaalliornissamut ilitersuut pisariaqarneratut annertutigisumik imaqartinneqassaaq naammagittaalliornissamut pisussaasut pillugit paasissutissanik. Naammagittaalliornissamut ilitersuut inummut ataasiinnarmut tunngasussanngorlugu suliarisa-

riagartussaasariaqanngimmat, tunniunneqarsinnaallunili oqaasertanik suliareriikkanik ikisiffigalugu imaluunniit taama ittoq (stempilimik) naqissuserlugu, tamanna ajornartorsiortitsilersussaasariaqanngilaq. Akerlianik naammagittaalliornissamut pisussaasut amerlalluinnarsimatillugit aalajangersakkap siunnersuutigineqartup tamatigut qularnaallisissinnaangilaa naammagittaalliornissamut ilitersuutip naammagittaalliornissamut pisussaasunut tamanut tunniunneqarsinnaanissaa.

Naammagittaalliornissaq ilitersuutigineqartassanngilaq aalajangiineq aalajangiiffigineqartumut tapersiisuulluinnarsimappat. Aalajangiinerli allanit naammagittaalliutigineqarsinnaagaangat tunngavissaqartarsinnaavoq, oqartussaasut ilitersuinissamut nalinginnaasumik pisussaanerat tunngavigalugu, suliameq qataasup tamatuminnga ilisimatittarnissaanut. Tamanna ilaatigut pisarsinaassagunarpoq aalajangiinerup naammagittaalliutigineqarsinnaanerata nalunaarutigineratigut. Ilaatigulli pisariaqartarsinnaassaaq suliameq qataasoq nalunaarfigissallugu aalajangiinerup inunnit kikkuuneri taasanit nammagittaalliutigineqarsinnaanerani.

Imm. 2-mi aalajangersagaq pisinnaalersitsivoq naammagittaalliornissamut ilitersuinissaq pillugu imm. 1-imi maleruagassamik nalinginnaasumik, suliani pissuteqartumik immikkut isigisariaqartuni, pisortat sanioqqutsisinnaanissaannut.

Aalajangersakkakut tassuuna eqqarsaatigineqarpoq ilaannikkut akornutissaqarnannginnerusarnera naammagittaalliornissamut inunnt ataasiakkaanuunngitsoq allaanerumillli ilitersuissalluni, imaluunniit naammagittaalliornissamut imm. 1 malillugu ilitersuinissap immikkut ittunik ajornartorsiutissaqalersitsisinnanissaa, imaasinnaavoq piviusunik pissuteqartumik, imaluunniit naammagittaalliummik suliarinnittussap aalajangiinerit immikkut ittut aalajangersimasut pillugit qanoq iliuuseqarnissaminut immikkut ittunik killiliiffigineqarsimaneranik pissuteqartumik.



§ 25-mut:

Inatsisissatut siunnersuummi § 25-mi aalajangersakkami pineqarpoq aalajangiinermik eqqartuussivinnut sulias-sannngortitsinnaaneq pillugu ilitersuisinnaaneq.

Aalajangikkap eqqartuussivinnut suliassannngortitaasin-naanera pillugu ilitersuummik ilaqartitsisarnissatut pisariaqartuaannarneq ajorpoq aalajangikkamik pisorta-nut qulliunerusunut suliareqqitassannngortitsisoqassa-tillugu. Taaneqassaag oqartussaasut aalajangigaannik eqqartuussisunut suliassannngortitsisinnaanissamut na-linginnaasumik patsisissaangimmat (inuup) pineqartup suliassamik ingerlatsinermut oqartussaasunut qulli-u-nerusunut suliassannngortitsisinnaatitaanermik atue-reersimanissaa. Kisiannili pisortanut qulliunerusunut naammagittaalliuuteqarsinnaanermik atuereersimanissaq amerlanertiguttaaq inuup suliameqataasup iluaqutis-sarisarpaa. Aalajangerneqartumik eqqartuussisunut suli-  
assannngortitsisinnaaneq ingerlaannartumik ilisimatit-sissutaasimappat, tamanna isumagineqartup akerlianik aalajangiinerup pisortanut qulliunerusunut suliareqqi-tassannngortinneratigut allannngortinniaqqaartarnissaa-nik isummamut ullumikkut pigiliunneqaleriartuinnartu-mut assortuinertut paasineqarsinnaassaaq.

Pisortat aalajangigaannik eqqartuussisunut suliassan-ngortitsisinnaaneq piffissamik aalajangersimasumik kil-liligaagajunngilaq. Suliat ilaasa eqqartuussisunut su-liassannngortitaanissaat piffissamik inatsisitigut aala-jangerneqartumik killissaligaasimappat killiliussaq i-lisimatitsissutigineqarsimatinnagu aalajangiiffigine-qartup eqqartuussivimmi ajorsassutigisinnaavaa. Taa-maattumik suliani taamaattuni aalajangiineq eqqartuus-sisunut suliassannngortitsisinnaanermut killiliussamik ilisimatitsinermik ilaqartinneqartariaqarpoq.

